

松潘縣志卷三

邊防

邊防總論

松潘毗連邊塞據岷江上遊北望河湟南通汶灌廣袤數千里昔皆氏羌吐蕃部落自漢武置郡而後領州屬縣旋置旋罷迄於宋元千餘年間僅羈縻之而已明洪武十一年御史大夫平羌將軍丁玉征服其地先設松州衛築城駐兵又設潘州茂州二衛疊溪威州二千戶所洪武二十年併松潘二衛爲松潘衛設軍民指揮使司宣德四年調成都前衛後所設小河千戶所添置城堡復調成都利保等衛所官軍更番戍守其地遂屬於內矣成化初以按

松潘縣志

卷三 邊防

一

察司副使總理松茂兵糧後因東南地勢懸閔聲援不通分設松潘威茂安綿兵備又設總兵官以侯伯都統充之掛平蠻將軍印又改分守副總兵協守左右將軍南路東路游擊俱以指揮委任正德五年添設石泉壩守備以指揮體統行事嘉靖十一年巡撫宋滄創建靖虜墩於松屬之漳臘後山及西山二處嚴兵駐守以斷北虜入寇之路嘉靖二十年巡撫劉大謨巡按王珩奏設漳臘守備亦指揮體統行事增官軍二千名修築官廳營房城堡及邊牆一萬三千五百三十丈坎阱二千五百六十四口並於大壩建堡築城修墩官廳營房具備防禦可謂周矣萬曆六年副使楊一桂以漳臘所屬絕塞譚邪等十七屯堡去松路遠支糧不便議於

漳臘舊基修建新倉改運關支卒伍稱便崇禎間明祚告終海內大亂惟番賊不敢蠢動懾於邊防故也清既定鼎八荒無事順治初奉裁茂州衛疊溪威茂小河等千戶所十年飭安綿道暫停推補旋奉改松茂道爲龍茂道提調龍安十八年仍改爲松潘道威茂道兼攝巡西道康熙六年二道俱裁撤八年題請復設松茂道仍設分守副總兵添設城守守備龍安威茂仍設參將疊溪小河漳臘仍設游擊平番石泉仍設守備各要隘分兵防守其重視邊防如此蓋知兵可百年不用不可一日無備也松潘舊有四州今阿迭砦即上潘州斑斑簇則下潘州二州之間則中潘州其一惟松州北路屯堡阿思羊崗諸砦與漳臘寒盼商巴南坪隆康黑角

犬牙相錯西北遠通黃河青海附背之番族繁多而虹橋關靖虜墩弓楨嶺黃勝關兩河口紅土坡等處統扼口外北虜及毛革郭羅諸番關隘東路通龍綿右臂而三舍堡小河城木瓜墩鐵龍橋統扼果子白馬羊崗諸番關隘松南疊茂威灌咽喉所寄而麻答崖蒲江關石門塹撒喇墩永鎮堡等處統扼丟骨雲昌黑水諸番關隘平番小河設營以防東南漳臘南坪設營以防西北據其險而遏其衝雖有六夷七羌九氐之眾其敢猖獗出巢以犯我邊境哉考唐書李德裕克吐番於維州路設五軍汶川地設三軍松茂路設三十六關堡於松建七層樓茂建鎮岷樓維建籌邊樓汶建七盤樓以重邊防屢爲叛夷所燬而遺址尙存蓋松潘所扼吐番

疊茂威灌爲松之脈絡昔人謂吐蕃入寇必自沈黎吐蕃南紹合入寇必於灌口灌口失利則長驅蜀都矣然則松潘爲邊地藩籬東道龍安糧運之來源不竭南界汶灌商貨之銷路可通前代籌邊者設都統於松潘總制軍務其次龍安維茂兩路分兵資爲羽翼明之掛印將軍清之掛印總鎮尊其位重其權層層節制指臂靈通自康熙間總兵何德成乾隆間提督岳鍾琪先後剿撫諸番歸誠分遣漢土官兵各屯要隘平時兵食足備臨事防範維嚴究未聞啟戒心而開邊釁惜咸同而後裁兵減餉徵調頻仍禍亂相循死亡枕籍遠則見於庚申近則見於辛亥是宜探本溯源折衷今古補充兵額厚備餉需思患而預防之耳籌邊事者盍鑒諸

松潘縣志

卷三 邊防

三

邊防事略

西漢武帝元鼎六年開冉駹夷地以爲汶山郡開白馬氏分廣漢西部合以爲武都郡

元封三年氐人叛遣兵破之

昭帝元鳳元年氐人叛遣執金吾馬適建龍額侯韓增大鴻臚田廣明將三輔太常徒討破之

宣帝地節三年夷人上言立郡賦重乃省汶山郡并蜀郡爲北部都尉

以上前漢書

東漢世祖建武初氐人悉附隴蜀及隗囂滅其酋豪乃背公孫述降漢隴西太守馬援上言復其王侯君長賜以印綬後囂族人隗

茂反殺武都太守氏人大豪齊鍾留爲種類所敬信威服諸豪與郡丞孔奮擊茂破斬之

靈帝時復分蜀郡北部爲汶山郡

以上後漢書

蜀漢後帝建興九年汶山羌叛安南將軍馬忠督將軍張嶷討之

建興十四年武都氏王符健降蜀

以上三國志

唐太宗貞觀八年吐蕃棄宗弄贊亦名棄蘇農亦號弗夜氏居牂牁西爲人材雄西域諸國皆臣之至是遣使來朝帝遣行人馮德遐下書臨撫弄贊聞突厥吐谷渾並得尙主乃遣使齎幣求婚帝不許使者還妄語曰天子遇我厚幾得公主會吐谷王入朝遂不許殆有以間我乎弄贊怒率羊崗共擊吐谷渾吐谷渾不能抗走

松潘縣志

卷三 邊防

四

青海之陰因盡取其資畜又攻黨項白蘭羌破之勒兵二十萬入寇松州命使者貢黃金且言迎公主謂左右曰公主不至我且深入帝乃詔吏部尙書侯君集爲行軍大總管出當彌道右領軍大將軍執失思力出白蘭道右武衛大將軍牛進達出濶水道右領軍將軍劉蘭出洮河道並爲行軍總管率步騎五萬進討牛進達自松州夜襲其營斬首千級弄贊懼引兵去以使者來謝罪固請婚並獻黃金五千兩他寶稱是以爲聘帝許之妻以宗女文成公

主 新唐書

貞觀二十二年松州蠻叛松外蠻數十百部大者五六百戶小者二三百戶數十姓趙王李董爲貴族皆擅山川不能相君長有城

郭文字頗知陰陽曆數自夜郎滇池以西皆莊躋之裔貞觀中嵩州都督劉伯英上疏松外諸蠻率暫附亟叛請擊之西洱河天竺道可通也於是太宗以右武侯將軍梁建芳發蜀十二州兵進討酋帥雙舍拒戰敗走殺獲十餘萬羣蠻震駭走山谷建芳諭降者七十餘部戶十萬九千署首領蒙和爲縣令餘衆感悅

新唐書

高宗顯慶元年西洱河大首領楊棟附顯和蠻大首領王羅祁郎昆黎盤四州大首領王伽衝率部落四千人歸附入朝貢方物厥後茂州西南築安戎城絕吐蕃通蠻之道生羌爲吐蕃鄉導攻拔之增兵以守西洱河諸蠻皆臣吐蕃開元中首領始入朝授刺史

新唐書

松潘縣志

卷三 邊防

五

顯慶三年吐谷渾內附祿東贊怨忿率銳兵擊之破其國詔梁州都督鄭仁泰爲青海道行軍大總管率將軍獨孤卿雲等屯涼鄯左武侯大將軍蘇定方爲安集大使爲諸將節度以定其亂吐蕃使論仲琮入朝表吐谷渾罪帝遣使者譙讓乃使來請與吐谷渾平憾求赤水地牧馬不許祿東贊死有子曰欽陵曰贊婆曰悉多干曰勃論兄弟並當國自是歲入邊盡破有諸羌羈縻十二州

新唐書

書

咸亨元年入殘羈縻十八州詔右威衛大將軍薛仁貴爲邏娑道行軍大總管左衛員外大將軍阿史那道真右衛將軍郭待封副之出討吐蕃并護吐谷渾歸國師十餘萬至大非川爲欽陵所拒

王師敗績遂滅吐谷渾而盡有其地

新唐書

上元二年進攻疊州破密恭丹嶺二縣又攻扶州敗守將詔命中書令李敬元爲洮河道行軍大總管討之又勅益州長史李孝逸
嵩州都督拓王奉逸發劍南山南士卒先戰於龍支吐蕃敗敬元
率總管劉審禮擊吐蕃青海口審禮戰沒敬元屯承風嶺礙險不
得縱吐蕃壓王師左領將軍黑齒常之率死士五百夜砍其營虜
驚自相躡藉而死者甚衆

新唐書

儀鳳四年贊普死子器努悉弄立欽陵復擅政初劍南道度茂州
之西築安戎城以保其鄙俄爲生羌導虜取之以守因并西洱河
諸蠻盡臣羊崗黨項諸羌其地東與松茂嵩接南極婆羅門西控

松潘縣志

卷三 邊防

六

安西四鎮北抵突厥幅員萬餘里漢魏諸戎所無也

新唐書

玄宗開元中吐蕃請交馬於赤嶺互市於甘松嶺宰相裴光庭曰
甘松中國阻不如許赤嶺乃聽以赤嶺爲界表大碑刻約其上

新唐書

代宗廣德二年吐蕃入松威保等州及雲山新籠城明年劍南節
度使嚴武破吐蕃南鄙兵七萬拔當狗城又拔鹽州戰西山取其

衆八萬

新唐書

德宗貞元十七年吐蕃據維州韋臯督官軍圍攻贊普使論莽熱
沒籠乞悉莨兼松州五道節度兵馬都統羣牧大使引兵十萬援
維州臯率南詔兵薄險設伏以待纔使千人嘗敵乞悉莨見兵寡

悉衆追墮伏中兵四合急擊遂擒乞悉菀獻京師又拔峨和雞栖

城新唐書

明太祖洪武十二年命平羌將軍御史大夫丁玉定松潘敕之曰松潘僻在萬山接西戎之境朕豈欲窮兵遠討但羌戎屢寇邊征之不獲已也今捷至知松州已克徐將資糧於容州進取潘州若盡三州之地則疊州不須窮兵自當來服須擇士勇者守納都疊溪路其驛道無阻遏者不可守也來降諸戎長必遣入朝朕親撫諭之遂併潘州於松州置松州衛指揮使司丁玉遣寧州衛指揮高顯城其地十三年帝以松州衛遠在山谷屯種不給餽餉爲難命罷之未幾指揮耿忠經畧其地奏言松潘爲番蜀要害地不可

松潘縣志

卷三 邊防

七

罷命復置十四年置松潘等處安撫司以龍州知州薛文勝爲安撫使秩從五品又置十三族長官司秩正七品曰勒都曰阿昔洞曰北定曰牟力結曰蛸匝曰祈命曰山洞曰麥匝曰者多曰占藏先結曰包藏先結曰斑斑曰白馬路其後復隸松潘者長官司四曰阿思曰思囊兒曰阿用曰潘幹寨安撫司四曰八郎曰阿角寨曰麻兒匝曰芒兒者後又以思曩日安撫司附焉諸長官司每三年入貢賞賜如例十五年占藏先結等土酋來朝貢馬一百三匹詔賜綺鈔有差十六年復命指揮耿忠經畧其地忠言臣所轄松潘等處安撫司屬各長官司宜以其戶口之數量其民力歲令納馬置驛而籍其民充驛夫供徭役從之既而松潘羌民作亂官兵

討平之。磔松州及疊溪城。十七年松潘八積族老虎等寨蠻亂。官兵擊破之。獲馬一百二十。犏牛三百。牦牛五百九十。景川侯曹振請擇良馬貢京師。餘給軍。其犏牛牦牛非中國所畜。令易糧餉。犒軍。從之。十八年松州羌反。成都衛指揮成信等率兵攻其牟力等寨。破之。兵還。又遇賊三千人於道。復擊敗之。追至乞刺河。乃還。二十年改松州衛爲松潘等處軍民指揮使司。改松潘安撫司爲龍州。二十一年朶貢生番則路南向等引草地生番千餘人寇潘州。阿昔洞長官司殺傷人口。指揮周昉率馬步軍同松潘衛軍討之。番寇率衆迎戰。千戶劉德破之。斬首三十四級。獲馬三十餘匹。賊潰。渡河四十餘里。復收敗卒屯聚。指揮周能追擊之。斬首二百三

松潘縣志

卷三 邊防

八

十餘級。獲馬六十餘匹。溺死甚衆。羣番遠遁。

明史

宣宗宣德二年置麻兒匝安撫司。麻兒匝族去松潘七百里。有喇嘛著八讓卜聚衆侵掠。遮遏八郎安撫朝貢。松潘衛指揮吳瑋招之。讓卜向化。使其兄三子完卜入貢。且言其地廣過於八郎。請置宣撫以轄之上。乃置麻兒匝安撫司。以著八讓卜爲安撫使。既而龍州土官薛忠義請陞龍州爲宣慰。以鎮番戎。不許。後改龍州宣撫司隸布政司。

舊通志

宣德二年四川巡按等奏松潘衛所轄阿用等寨蠻寇擁衆萬餘。傷敗官軍。請討之。帝意邊將必有激之者。既四川都司奏至。言並非番寇。實由千戶錢宏因調發松潘官軍往征交趾。衆憚行。宏詭

言番寇至當追捕冀免調又領軍突入麥匝諸族逼取牛馬致番人忿怨復以大軍將致討懾之番衆驚潰約黑水生番爲亂帝命逮宏等而責諸司怠玩邊務亟捕諸傷官軍者遣都指揮僉事蔣貴往同松潘衛指揮吳瑋招撫番寇令調附近諸衛軍二萬人以行時賊圍松潘疊溪茂州斷索橋官軍與戰皆敗出掠綿竹諸縣官署民居皆被焚燬鎮撫侯璉死之蜀王遣護衛官校七千人來援命都督陳懷與指揮蔣貴等合師亟討之而梟宏于松潘以徇并竄諸將之貪淫玩寇者三年陳懷等率諸軍屢敗賊於圪答壩葉棠關奪永鎮等橋復疊溪撫定祈命等十族又招降渴卓等二十餘寨松潘平八年八郎安撫司及思囊兒十四族朝貢之使還

州縣等衛倉收貯農隙之際諸人齊力起運而都司撥軍護之且命布政司委官交糧則道路無虞而收受亦無弊上曰善遂敕陳懷鎮松潘正統四年以王翱代懷翱著威惠番酋商巴等感悅盡率諸部受約束入貢者接踵

明史

英宗正統四年松潘指揮趙得奏祁命族番寇商巴作亂官軍捕擒之其弟小商巴復聚浦江新塘等關據險刦掠乞發大軍剿除帝命李安充總兵官王翱參贊軍務調成都左衛官軍及松潘土兵合二萬人征之已翱知商巴爲都指揮趙諒所陷乃按誅諒而釋商巴等事遂已九年松潘指揮僉事王臬奏比者黑虎等寨番蠻攻圍椒園松溪等關堡殺傷官民欲行擒剿恐各寨驚疑應諭

松潘縣志

卷三 邊防

十

能擒賊者重賞之報可十五年黑虎寨賊首多兒太伏誅初多兒太掠茂州境爲官軍所獲誠而釋之未幾復糾諸寨入掠帝命序班祁全往諭諸寨擒多兒太至京梟其首十一年以寇琛爲僉都御史提督松潘兵備修飭營堡平治道路於疊溪迤上添設普安靖夷鎮番三堡又於麻答崖青岡嘴畫佛崖海螺洞萬江崖沿山鑿石架木懸棧糜費錢糧巨萬軍民胥困而後人賴其利時松潘皆已向化惟歪地骨鹿族二十寨不服命都督高廣王臬等剿之設思曩日安撫司以阿思觀爲之使隸松潘衛先是阿思觀父端葛洪武中歸順給金牌撫番至阿思觀又能招撫故有是命

明史

景泰三年鎮守松潘刑部侍郎羅綺等奏雪兒卜寨賊首卓時芳

等煙崇寨賊首阿兒結等累年糾合於安化關刼掠臣會師抵其巢穴斬首不計其數生擒卓時芳阿兒結等梟斬於市七年提督松潘羅綺復奏松潘土番王永習性兇獷嘗殺其土官高茂林男婦五百餘口及故土官董敏子伯浩等二十餘人今又糾合番蠻攻刼地方臣與指揮周貴等統領官軍直抵桑坪已將永等誅滅邊境肅清降敕褒賞初諸蠻并起羅綺檄悔罪不聽乃招募材武得禪師智中牌頭尤弄柯皆豪健各統精銳乘夜銜枚分道搗賊巢綺介胄隨之破扑爬諸寨擒劇賊卓勞阿兒結十餘人戮之既定治以簡易暇即與番人接杯洒歡番人畏慕終綺任不敢叛

明史

英宗天順四年番羌攻刼石泉縣治出沒爛柴灣魚灘子等處烽

松潘縣志

卷三 邊防

十一

火及於安綿衛指揮曹敏以聞飭參將周貴都指揮李文會同副使劉清至縣修城垣扼關隘五年番蠻邀截糧道入龍州安泉等處松潘總兵許貴會兵平之

舊通志

憲宗成化二年太監閻禮奏松茂疊溪所轄白草壩等寨番羌聚衆五百人越龍州境剽掠白草番者唐吐蕃贊普遺種上下凡十八寨部曲素強恃其險阻往往剽奪爲患四年禮復奏白草諸番擁衆寇安縣石泉諸處因各軍俱調征山都掌蠻致指揮王璟備禦不謹命副總兵盧能剿之能遣指揮閻斌巡邊至廟子溝番賊三百突至殺傷相當斌以失機逮治九年巡撫夏埏奏黑虎寨賊首夜合等刼攻關堡左參將宰用兵備副使沈琮督兵馳詣松溪

堡敗之斬獲夜合等三十六級松潘指揮僉事堯彀奏臣與兵備沈琮分剿白馬路水土茹兒等番寨大克之初黑虎寨最強相傳有神術先知官兵將至即遁去或潛伏要害竊發屢敗我衆按察使龔璫獨曰我自不密耳彼何能知夜半密勒諸將統兵進凡三十里平明抵其寨蠻大驚潰斬縛各千人得其首惡餘潰死無算既而大征破寨二十餘斬五百級降者數千皆編籍輸糧副使陳思忠於大石佛嘴鑿山開路人皆便之乃復遍剿惡匪平山諸寨斬首百餘級

明史

成化十一年蠻勢復張按察司僉事林璧奏請文職重臣提督軍事乃敕巡撫四川右副都御史張瓚兼理邊務十三年瓚調漢土

松潘縣志

卷三 邊防

十二

官兵五萬分布東南二路駐劄十月令都指揮沈運李鎬等分兵攻剿掇坪懦弱白羊嶺鶯飲溪大白飲馬池通林等二十一寨進克木瓜竹頭坪等寨斬蠻四百餘人於是商巴等二十六族詣軍門獻馬納款各諭以利害遣之十四年正月僉事林璧進攻黃頭清水諸寨俘馘三百餘人總兵堯彀領兵二萬攻西坂等寨都指揮謝琳等分兵爲五哨進取前後殺獲男婦七百餘人赭其碉房九百墜崖死者不可勝計番蠻困憊輸款

明史

孝宗宏治二年松潘番寇殺傷平夷堡官軍命逮指揮以下各官治之三年免思曩日安撫等十六族明年朝覲以守臣言其地方災傷也七年松潘空心寨番賊犯邊都指揮僉事李鎬敗之十三

年番賊入犯松潘壩州坡抵關勢益猖獗命逮指揮湯綱等敕巡撫張瓚調漢土官兵五萬由東南二路分剿破白羊嶺鶯飲溪等三十一寨斬四百餘級商巴等二十六族皆納款十四年復攻黃頭清水諸寨前後殺獲男婦七百餘人赭其碉房九百墜崖死者不可勝計諸番稍靖

明史

武宗正德元年巡撫劉洪奏祈命族長官司所攝番衆多至三十寨少亦二十餘寨環布松潘兩河其土官已故子孫自應承襲今宜察勘有願降印信者方許襲報可

明史

正德十五年巡撫盛應期奏綽頭番犯松潘總兵張傑克之復犯雄雞屯指揮杜欽敗之煙崇等寨皆降十六年松潘衛熟番入大

松潘縣志

卷三 邊防

十三

襍等作亂同知杜欽平之

明史

世宗嘉靖五年命都督僉事何卿鎮守松潘時黑虎五寨及烏都鵝鴿諸寨番叛卿次第平之

明史

嘉靖十一年白草番寇壩底堡都御史宋滄討之降其衆諸夷獻侵地二千頃

明史

嘉靖十二年土官節貴糾合隴東十二寨遠連青片板舍白草壩白若羅打鼓等寨生熟番數千人從李坪後山徑趨壩底堡環攻三日後七日最後一日凡三次燬四山民居百餘男婦死者無算卿禦之面中流矢先遣銳卒朱朝用等截殺斬首十級復鼓勵村民軍民殊死戰斬獲甚衆蠻以木爲巨櫃庇身挖城幾崩卿以石

曰從上擊之櫃破蠻死乘勝擊之遂奔潰

通志

嘉靖十四年春正月白草壩蠻屢寇壩底堡都御史馬昊檄都督何卿率部伍并募村民以精兵八百人取道桃紅轉架所過碉砦皆毀之斬級八十有奇蠻竄匿走馬嶺官軍劊營五日師次方由

地名而還

通志

嘉靖二十五年白草壩番陷平番堡明年刦石泉羊角白坭大方等處巡撫張時徹都督何卿討平之卿於二十三年以北警召赴京營平番堡提督指揮邱仁無備番衆數千突至攻陷之執仁等數百人軍民商賈遇害者以千計副總兵高岡鳳被劾署巡撫王大用巡撫張時徹巡按袁鳳鳴交章請卿還鎮二十六年卿至汰

松潘縣志

卷三 邊防

十四

穴兵二萬提銳卒九千人會時徹討之以三路進兵一由龍州一由石泉一由壩底卿乘霧直趨走馬嶺大破之擒渠魁黑煞李保白兒撒哈等俘斬九百七十有奇克營砦四十七毀碉房四千八百七十獲馬牛器械儲積各萬計先是議兵四萬人糧四十萬石卿裁革過半亟寢輸輓民困以甦自茂威迄松潘龍安夾道築墻數百里行旅往來無剽奪患卿素有威望爲番人所憚前後蒞任二十四年民戴之若慈母其去也爲之立祠

舊石泉縣志

嘉靖二十九年漳臘二十九部羌元壩潘啞商巴石嘴等與北庭小王子吉曩相通吉曩寇河西欲服屬租而結白利不從吉曩死其子插幹兒及傳蚌並富強仍欲服屬租而結白利仍不從會俺

答念吉曩渡河託言鐵嶺山有生佛出欲遣他子賓兒往鐵嶺建寺因盡得插幹兒及傳蚌馬畜而使傳蚌誘租而結使租而結誘白利並歲奉貢獻萬曆三年俺答親渡河迎佛入寇牟尼寨包子寺與松城相去止二十里而元壩潘啞商巴石嘴四寨並闌出物與俺答交易且以二百騎寇尒尒壩聲言欲遍寇保定撒喇洮岷松茂諸邊是時副使來經濟兵備李丁並請於都御史李尙思徵天全六番播州土兵得六千人以萬整郭成邊之垣軍漳臘松林西寧諸處以禦之部使李化龍上書曰松潘者全川之門庭也臣按輿地由松潘而北則爲漳臘漳臘之頂北可望洮岷西可望莽捏以松潘而視西部僅有此山爲之間耳其中嶮巖高峻盡屬土

松潘縣志

卷三 邊防

十五

番土番外結則爲患不小矣是不可不早爲備也會俺答賓兒俱徙去獨火落赤留伏捏工川如故而兵亦旋罷

通志

嘉靖四十四年龍州宣撫薛兆乾拒命伏誅初龍州薛文勝於洪武六年來降命仍知龍州旣置松潘安撫司命文勝爲安撫使旣置松州衛仍以松潘爲龍州宣德九年陞龍州爲宣撫司以土知州薛忠義爲宣撫使龍州者漢陰平道也宋景定間臨邛進士薛巖來守是州捍衛有功得世襲自文勝歸附其部長李仁廣王祥皆輸糧餉有功亦得世襲及宣德中以征松潘功陞州爲宣撫使仁廣爲副使祥爲僉事各統兵五百世守白馬白草木瓜番地至嘉靖四十四年宣撫薛兆乾與副使李蕃相仇訐兆乾率衆圍執

蕃父子毆殺之撫按檄兵備僉事趙教勘其事兆乾懼與母陳氏及諸左右糾白草番衆數千人分據各關隘拒命絕松潘餉道脅僉事王華不從屠其家居民被焚掠者無算是年春與官軍戰不利求救於上下十八族番蠻皆不應兆乾率其家屬奔至石壩官軍追擊之就擒四十五年兆乾伏誅籍其家母及其黨二十人皆以同謀論斬餘黨悉平遂改龍州宣撫司爲龍安府設立流官如馬湖而割保寧之江油成都之石泉二縣分隸之

明史

神宗萬曆七年大征人荒沒舌丟骨三寨南路盡平時自威茂達松潘從小河三舍漳臘官道兩傍修築邊牆護諸往來堵禦竊發一時稱便其後牆稍圯隨時補甃議者謂南路後山自雄雞西寧

以達蒲江北抵鎮坪界倚山爲磧築城設敵樓建重關以扼首尾復增舊牆聯絡相接以防番寇則輪班戍軍可以盡革歲省兵餉可數十萬其周遭屯種歲之所入亦不下數百萬而其說未用初南路四十八寨惟丟骨人荒沒舌最大兵備千一作王詔巡邊至三寨三寨度詔至必取道崖下乃並伏伺詔過擊詔墜馬死副使林應節乘傳到沒舌沒舌人掠應節貲裝臨行褫其衣元年寇安化關二年寇歸化關三年擊斷我糧道邀奪松潘諸轉運軍食故事歲正朔撫賞諸夷遣判官齎銀幣到三寨至是刦賞殺官吏黃申等四人于是御史撫前事奏遣指揮曹希彬徐承業裨將易鶴陽剿之殊死戰斬酋長白臉兒而三寨俱起希彬承業乃統諸軍軍

楊廣墩木瓜坪鑼鍋嶺諸處十道並發先破人荒寨盡焚其窩房
礮房兩寨見火舉鼓譟自相騰踐然後官軍並乘之賊大潰死者
甚衆其明年正月復賞羌會他寨媯媯兒子川盼匿三寨導甲仲
牛兒等陰入城以爲耳目賞羌者覺其奸乃搜得四人殺之當是
時西有呷竹諸羌東有林洞諸羌爲四十八寨其外喇嘛番衆耳
阿舍思熱浪牢熱等皆同時請降三寨盡平惟疊溪諸羌爲梗及
白草番議用兵已久斷輿梁逃黃頭山後拒絕羌衆不與通石泉
令往諭其酋納麻舌皆降且嚴除三寨需索陋例曰新班錢熱衣
錢架梁錢躡草錢放狗錢掛綵錢斷酒錢而其後白草復叛白草
風村野猪窩諸寨在武宗朝曾帥白若羅打鼓寇壩底指揮使何

卿討平之其後嘉靖中陷平番是時卿已爲都督都御使張時徹
奏請仍命卿捕斬黑煞白石撒喇等於是風村一十七寨並匍匐
介肉掛兒寨餓柘詣軍門請降願獻馬羊及腦包哈喇弓矢番刀
等物都御史王廷瞻許之方刻木盟去亡何他寨若番牌大力孫
子皆請歸降效風村故事且得通道大印龍州期日詣軍門兵備
使使石泉令李茂元受之羌俗因首無冠茂元具漢冠易其名姓
書冠間屆日啟軍門饒吹數部撻樹鼓大鉦令諸羌魚鱗入諸羌
聞鼓鉦望見漢冠及朱杆彩旗乃大喜舉足跳舞驩聲震天乃出
漢冠冠諸羌諸羌跪起各互視其首踊躍東西走既而又跪捧其
首以謝乃言願歲輸黃蠟一觔元日長至赴縣庭朝賀寨樹一白

幟削木祝皇帝萬歲編戶得二千四百四十男子四千二百五十六女四千一百三十八事聞加賞賚其後楊柳羌寇普安傍近白草風村及小河木瓜之間聞白草導穀粟寨反有據都御史徐元太遽請兵擊之白草絕穀粟往來自訐歲寨貢黃蠟一觔賦菽糧二斗如敕令請益菽一斗示不反是時周嘉謨爲安縣兵備遣龍安知府按驗降冊實得壩底堡白草河西風村顛轉架孫兒掛馬鹿坪桃桃紅椒園子龍藏野豬窩鶯燕溪啞浪壩照隊太白白羊嶺落落坡等二十八寨并新降獨坪大垵召對通寧口四寨編戶如例

通志

萬曆八年雪山國師喇嘛等四十八寨勾北邊部落爲寇圍漳臘

松潘縣志

卷三 邊防

十八

守備張良賢破之犯鎮虜百戶杜世仁力戰城得全世仁死焉又犯制臺良賢復擊之追至思答弄連戰大破之火落赤之姪小王子死焉十九年巡按李化龍言松潘爲四川屏蔽疊茂爲松潘咽喉番戎作亂松潘力不能支宜移四川總兵於松潘以備防禦是時疊茂諸番衆糾結爲亂鎮巡官率兵剿之俘馘八百餘級番寇亦斬其部長黑卜白什等獻功贖罪而松坪諸惡屯據大雪山頂諸將卒搜討亦有斬獲以捷聞遂設平武縣於龍安府松潘以孤城介絕域寄一綫饋運路於龍州制守爲難洪武時欲棄者數以形勝扼險不可罷乃內修屯務外輯羌心因俗拊循擇人爲理番衆相安者垂四十餘年及宣德初調兵起釁致動干戈自是置鎮

建牙宿重兵以資彈壓亦時服時叛自漳臘以北即爲大荒斯籌邊者之所亟圖也

通志

萬曆十四年楊柳疊溪羌番牌財主兒子至太平堡值鼓刀屠者擊牛番牌見之垂口涎索強山牛酒強山與之飲番牌死楊柳疑強山鳩番牌乃於河東邀東路窯溝大小粟穀丟骨人荒沒舌諸羌於河西邀思答歪地王答甘燕耳別甘溝牛尾諸羌直犯金瓶堡大索賞賜贖番牌死不與遂大閱指揮豐承業張應時擊破之復合麻答蟬寨再寇金瓶殺百戶陳克勤去時黃焯爲兵備請都御史徐元太追剿且按諸指揮失軍狀先是指揮田賦曾稱貸于楊柳葉兒這得五百金久不還兒這每至堡但飲酒去兒這怒

松潘縣志

卷三 邊防

十九

與諸羌同入寇至是並逮訊田賦而別遣偏將擊樹底雙橋西坡牛尾諸寨俱勝之乃調天全大渡諸土兵發樓船卒至搭魚觜窺楊柳楊柳方與牛尾麥兒數百人張弓弩在河梁見樓船卒至弓矢齊發我師踰河救殺傷相當副使劉禹謨復與偏將劉用光邊之垣議先攻麥兒以分其勢然後徐圖泉水崖則楊柳可擒也命兵備黃焯重帥田賦豐承業張應時等使戴罪殺賊遂佯攻麥兒旦日引兵至泉水崖其酋長財主兒子出碉房所貯青稞麥菽及蜂桶牛羊諸畜以誘我軍我軍不一顧遽舉燎燒土圈碉房而雜用烏嘴百子火磚噴箭諸藥器並擊楊柳楊柳出不意返走自蹂踐乘勝追北至後溝雪山會日暮度楊柳必且走麥兒麻答預令

土官舍坤安温卜引步兵渡河伏道左楊柳果以詰旦至伏起大敗之諸羌降既而喇嘛機復起犯蒲江關將軍曹銓等引兵堵禦會蟬蟀剽畧還自黃沙壩遂逐蟬蟀擣其巢裨將邊之垣等力戰皆捷其明年窩溝大小二姓復寇蒲江關副將朱文達開關迎敵多斬獲於是將軍李應祥兵備黃焯謀大征諸羌而辨其向背計前殺戮我裨將趙世爵等及商民四百八十餘人實東路溝窩溝丟骨人荒西北蜈蚣龍溪土官茹兒阿孝惡鬧王答甘燕戈腊熱溪別柘思答地諸羌其殺我許九等八百二十餘人者實大小粟穀北定玉柱阿牛王龍交舍安貫烟葱列柯歪地西革牛尾鹿卜石柱諸羌他若次上漢人羊思定雞公上牟泥下牟泥野和尚亞

寨阿思洞上泥巴呷竹呷二爲熟羌胡子川羊先給阿讓臘梅老虎爲降羌分別進剿松邊寒瘡不生五穀往往廩食他傍郡他傍郡飛芻輓粟佐軍餉不給於是上書請輸餉并調土官楊應龍冉維屏楊光祖統播州酉陽平茶天全諸兵及敘馬羅狗兵合二萬餘而國師喇嘛亦聚阿牛丟骨諸寨兵屯裝塘鐵鑪溝待我軍於是郭成周于德邊之垣等大戰却敵歷破裝塘沒舌龍溪惡鬧窩溝蜈蚣諸寨斬首四百六十餘級生擒酋長喇嘛灣仲臘臘帳王答兒茹兒及番婦番女生口無算時惡鬧歪頭請降而思答歪地乾溝以阻河負固如故既克河東羌遂治浮橋擊河西思答列柯歪地黑水乾溝大小粟穀凡下十五寨斬首三百一十餘級生獲

酋長黑讓著兒柘川柯絨柯及日者瞎子合兒結番婦女一百餘口先是征楊柳時捕得生口白失結既而逃去會白泥和尚楊柳歸降仍命捕白失結及樹底保保兒子以贖罪至是諸羌願降者當捕其酋長來獻如白泥和尚例乃各獻其酋長閻卜利兒子等數十人生埋之道傍曰復反者有如此塚又羌初發難刻石爲誓其石一在廟子溝一在牛尾寨既命力士椎碎投於河諸羌亦曰所反覆不如將軍命者有如此石其後兵部稽功簿有云奪得邊輪首骨漆器一具按之則嘉靖中茹兒寨羌曾斬指揮邊輪首以爲飲器至是輪子之垣於攻茹兒時奪其首歸蓋之垣孝子即輪亦烈士云

蠻司合志

清順治九年明安縣道據茂州詹天顏引兵來援時朱化龍已擒遂剽擄茂州松潘總兵王明德遺呂進功關天爵大破之敵見勢窘縛曹洪張玉伯以降明德問天顏若干兵對曰萬餘人明德佯曰萬餘人未可輕敵且休兵恐天顏襲我降兵歸以白天顏天顏信之未設備是夜大兵直抵天顏壘天顏遁走永平壩大兵追及天顏就擒明德招降千餘人四川巡撫李國英疏上王明德功移鎮守松龍斬天顏等諸夷悉內附川西始寧

順治十二年威州龍蒲等寨逆番糾合賊黨攻城掘塚勢甚猖獗總督李國英檄行威茂監軍道僉事程翔鳳松潘副總兵王明德出其不意六路進兵殲其兇渠掃穴平碉剿撫並用諸蠻乃服

順治十四年雜谷土官桑吉朋阿日土官阿必太合兵千餘攻圍瓦寺土官曲翊仲番寨未下遂入內地刼堡斷橋殺戮民人掠去男婦四十餘人監軍道僉事程翔鳳調防威守備關天爵林柯桂等領勁兵六百名首尾夾攻斬馘不計其數生擒賊酋阿朋并賊番一十三人桑吉朋巴必太皆負重傷逃回六月內吉朋輸款納甲以圖自新各番控籲部院願獻所掠男婦以贖阿朋及釋阿朋歸見吉朋沒其家貲遂搆釁

通志

康熙元年阿朋糾阿姜濟等逐土官桑吉朋於別思蠻地方而立其姪兵備道陳子達遣中軍張士龍由董卜援吉朋至省尋帶至汶川示部番以有所歸並宣布朝廷恩威撫諭阿朋迎故土司以

松潘縣志

卷三 邊防

二十二

蓋前愆阿朋恃惡不悛斷繩橋阻哨道煽引水田星上會頭三寨賊番作亂威保聲息不通威茂兵備道陳子達松潘副總兵何德成奉令調剿四路夾擊平其寨斬其渠魁各番始納款輸賦聽瓦寺打喇二土司官約束每歲量給賞需以示羈縻諸番悉平

舊通志

康熙二年剿上下五族先是青片上下五族等寨生番散居石泉茂州後山地方縣亘數千里常爲邊患日久稽誅至是松州副總兵何德成奉令進剿於正月十七日分兵致討克平下五族上五族之番畏威投順願隸版圖合上下五族每年俱輸蠟認糧番寨近茂州者責之茂州隴木土司管束近石泉者責之石泉縣唐李

土司管束邊患以靖

舊通志

康熙二十四年疊溪大定堡山後住牧巴豬五族逆番不法四川巡撫韓士奇請調漢土官兵相機進剿復檄松茂道僉事王隲親往列角雙馬等寨諭以安分住牧免取株連并招撫巴豬令其歸順逆番仍負固不服卓沙白卜撮箕等寨均爲脅從反覆抗拒松潘總兵高鼎領兵攻擊各寨翦其羽翼斬逆番數百餘人給發令旗招撫各寨俱畏威投誠惟巴豬逆番詐降復叛巡撫韓士奇隨分遣漢土官兵三路進發逆番六七千人亦分三路迎敵我軍奮勇攻擊自辰至酉臨陣擒斬番蠻七百餘名獲僞印一顆僞敕一道紗帽一具角帶一條其首惡挖子焚死餘番盡奔大歷日寨大兵追至復奔黃梁走大定我兵力追抵黑水江岸復擒斬一千餘人先後招撫番蠻共一十三寨輸賦納糧屬大定堡撫夷管束邊

松潘縣志

卷三

邊防

二十三

患遂消

通志

康熙三十七年松潘黃勝關外川柘等寨係潘州故址久沒草地番目綽爾濟等夷搶去上下包坐人畜經巡撫貝和諾委筆帖式爾吉圖查詢招撫始輸誠納賦松潘鎮屬之漳臘營西路包子寺牟尼等寨平番南路榮昌寺等寨及東路阿思洞等寨諸番自昔梗化野性靡常迨康熙蕩平吳三桂恢復川西以來始皆傾心向化康熙四十二年總兵周文英宣布朝廷威德加意撫之西北兩路土目每年輸納青稞貝母聽充正項

通志

康熙五十九年庚子口外惡洛西番刦掠兵民提督岳鍾琪松潘

總兵路振揚請兵由松潘進剿賊敗奔北河悉還所刦以降并阿壩土目旦增等俱降許之又西邊苦苦腦兒索羅穆等處被郭羅克愛滿肆行搶掠朝命岳鍾琪等卽行帶兵進剿又派滿洲兵數百名并插漢丹津兵協助同漳臘遊擊周瑛於冬十月率諸軍進攻取下郭羅克吉宜卡等處二十一寨直抵中郭羅克那務等寨賊番抗拒官兵奮擊連破一十九寨斬三百餘級擒獲首惡酸他兒蚌索布六戈乘勢復抵上郭羅克插六等寨寨目旦增等縛首惡假埭并賊從格羅二十二名以獻格羅等正法首惡酸他兒蚌等三名解部其投誠番衆命雜谷土目囊索沙加布管理留土兵一千名駐劄自黃勝關至惡洛俱安塘站由是西番平服

通志

松潘縣志

卷三 邊防

二十四

雍正元年四川提督岳鍾琪因西寧之役帶領遊擊張元佐王剛并漢土官兵由黃勝關出口剿撫十二部落招安阿壩郎隋毛革麥雜等處番目彎布桑頓獨賴林柯等納土歸誠

通志

雍正二年甲辰下羊崗兇番拔那剛讓笑等復猖獗不法松潘鎮總兵張元佐率領遊擊劉屏翰邱名揚進剿擒獲首惡餘寨投誠番目牽慢甲箇札實太等率各寨番人皆願爲編戶闢地二百四十里得番民三十七寨建城於南坪壩爲南坪營川陝道路始通雍正五年丁未雜谷土官約束下郭羅克番人不嚴仍行刦掠川陝總督岳鍾琪遣平番營守備宋宗璋領兵進剿招撫下郭羅克阿樹等一十三寨歸併本營管轄由是川陝各邊並闔內番屬俱

帖然懾服大朝威德各安住牧

通志

乾隆十七年雜谷土官蒼旺與梭磨卓克基構釁搶掠兩土司所管部落四川總督策楞提督岳鍾琪率松潘鎮總兵馬良柱帶兵進剿擒蒼旺伏誅招降各寨番民改土歸流

通志

〔附錄〕唐陳子昂諫武后襲吐蕃書臣聞亂生必由於怨雅州羌未嘗一日爲盜今無罪蒙戮怨必甚怨甚則羣駭且亡而邊邑連兵守備不解蜀之禍構矣東漢喪敗亂始諸羌一驗也吐番黠獍抗天誅者二十餘年前日薛仁貴郭待封以十萬衆敗大非川一甲不返李敬元劉審禮舉十八萬衆困青海身執賊庭關隴爲空今乃欲建李處一爲上將驅疲兵襲不可幸之吐番舉爲賊笑二驗

松潘縣志

卷三 邊防

二十五

也夫事有求利而得害者昔蜀與中國不通秦以金牛美女啖蜀侯侯使五丁力士棧褒斜鑿通谷迎秦之饋秦隨以兵而地入中州三驗也吐番愛蜀富思盜久矣徒以障險隘絕頓餓喙不得噬今撤山羌開阪險使賊得收奔亡以攻邊是除道待賊舉蜀遺之四驗也蜀爲西南一都會國之寶府又人富粟多浮江而下可濟中國今圖僥倖之利以事西羌得羌□□足耕得羌財不足富是過殺無事之衆以傷陛下之仁五驗□蜀所恃有險也蜀所安無役也今開蜀險役蜀人險開則便寇入役則傷財臣恐未及見羌而姦盜在其中矣異時益州長史李崇貞託言吐番寇松州天子爲盛軍師趣轉餉以備之不三年巴蜀大困不見一賊而崇貞姦

贓已巨萬今得非有姦臣圖利復以生羌爲貲六驗也蜀士虍
不知兵一虜持矛百人不敢當若西戎不即破滅臣見蜀之邊陲
且不守而爲羌夷所暴七驗也國家近廢安北拔單于棄龜茲疏
勒天下以爲務仁不務廣務養不務殺行太古三皇事今狗貪夫
之議誅無罪之羌遺全蜀之患此臣所未諭方山東饑關隴敝生
人流亡誠陛下寧靜思和天人之時安可動甲兵興大役以自生
亂又西軍失守北屯不利邊人駭情今復舉輿師投不測小人徒
知議夷狄之利非帝王至德也善爲天下者計大而不計小務德
而不務刑居安念危值利思害願陛下審計之

通志

唐李德裕上維州事狀右臣頃蒙先朝授劍南西川節度使其悉

松潘縣志

卷三 邊防

二十六

怛謀雖是吐番酋長久樂皇風將彼堅城降臣當道臣差行維州
刺史虞藏儉便領兵馬入據其城飛章以聞先帝驚喜其時與臣
仇者望風疾臣遽興疑言上罔宸聽以爲與吐番盟約不可背之
必恐將此爲詞侵犯郊境遂詔臣卻還此城兼執悉怛謀等令彼
自戮復降中旨迫促送還昔白起殺降終於杜郵致禍陳湯見拔
是爲郅支報仇感歎前事愧心終日今者幸逢英主忝備台司輒
敢追論伏希審察且維州據高山絕頂三面臨江在戎虜平州之
衝是漢地入邊之路初河隴盡沒唯此州獨存吐番潛將婦人嫁
與此州門子二十年後兩男長成竊開壘門引兵而入遂爲所滅
號無憂城從此得併力於西邊更無虞於南路憑陵近甸旰食累

朝貞元中韋皋以兵復河湟此城爲始盡銳萬旅急攻數年吐番
愛惜既甚遣其舅論莽熱來救知雉堞高峻臨衝難及於層霄鳥
徑屈蟠猛士多糜於礪石莫展公輸之巧空擒莽熱而還及南蠻
負恩掃地驅刦臣初到西蜀衆心未安外揚國威中緝邊備其維
州熟臣信令乃送款與臣臣告之須俟奏報實探情僞其悉怛謀
等尋帥城兵并州印甲仗塞途相繼空壘來歸臣即大出牙兵受
其降禮南蠻在列莫敢仰視况西山八國隔在此州比帶使名都
成虛語諸羌久苦番中徵役願作王人自維州降後皆云但得臣
信牒帖子便相率內屬其番界合水棲雞等城既失險阻自須抽
歸可滅八處鎮兵坐收千餘里舊地臣見此有莫大之利爲恢復

之機所以面許奏聞各加酬賞臣自與錦袍金帶永視朝旨且吐
番維州未降以前一年猶圍逼魯州以此言之豈守盟約况臣未
嘗用兵攻取彼自感化來降又沮議之人豈思事實犬戎遲鈍土
曠人稀每欲乘秋犯邊皆須數歲聚食臣得維州逾月未有一使
入疆自此之後方應破膽豈有慮其復怨鼓此游詞臣受降之初
指天爲誓寧忍將三百餘人性命棄信累表陳論乞垂矜舍答詔
嚴切竟令執還加以體被三木輿於竹畚及將即路冤叫嗚呼將
吏對臣無不隕涕其部送者更遭番帥譏誚云既以降彼何須送
來乃卻將此降人戮於漢界之上恣行殘忍用間攜離至乃擲其
嬰孩承以槍槩臣聞楚靈誘殺蠻子春秋明譏周文收送鄧叔簡

冊致貶况乎大國負此異族塞申款之路快兇虐之情從古以來
未有此事伏惟仁聖文武至誠大孝皇帝陛下振睿聖之宏圖得
懷來之上策故南蠻申請朝之願北虜效款寨之誠臣實痛惜悉
怛謀等舉誠向化解辯歸義而未加昆邪之爵不賞庶其之功翻
以忠愛徒爲仇讐所快身遭此酷名又不彰職由愚臣陷此非罪
雖時更一紀而運屬千年臣所以具陳根本不憚繁細冀蒙睿鑒
追獎忠魂伏乞宣付中書各加褒贈冀華夷感德幽顯伸冤警既
往之倖心激將來之峻節臣德裕無任懇願之至謹錄奏聞

通志

明張時徹平番善後事宜一撫處漏殘以固藩籬各番砦巢穴既
掃盡滅遺育勢亦不難但埋奴砍狗誓還地土認辦糧差似可憐

松潘縣志

卷三 邊防

二十八

憫况白草外即黃頭後水勒都惡種所以不得肆患於內地者以
白草爲藩籬也若盡殄其類則無復障蔽且將勞官軍而守虎狼
之穴爲患更甚議將十八寨各立牌頭認守地方仍立四保李從
新爲酋長先年賞賜盡數革去又番中鹽市仰賴於我於三路大
堡之外空地交易嚴禁低昂強買及擅入番寨者則羈縻有方也
一約束土官以備緩急龍州宣撫等使之設子孫世襲乃棄其弓
馬恬於膏粱以沈湎爲生涯用奸人爲羽翼無事則賣土兵以納
役錢有事則盜兵餉以充囊橐號令則偃蹇不從提究則藏匿不
出如此不懲後患何極請敕兵備守巡及參將等官嚴加約束如
有不遵輕則治罪重則提參再照今次征剿多土官坤兒卜父子

出力後有警變隨宜調遣三長官司兵一足當什以夷攻夷事半而功倍也

通志

明楊一桂鵬剿處置人荒等三寨議萬曆七年松潘兵備副使楊一桂議松潘設居極邊番種近多爲地方患最桀驁者無如丟骨人荒沒舌三寨跳梁架砦堵截糧運時或默地裝塘刦掠財物連年犯順未嘗一創以至肆惡橫行請相機剿撫等因又按察司關行楊副使覆議三寨跳梁宜加誅剿但大征恐滋別寨疑畏未若鵬剿可以懲一戒百巡撫王廷瞻看議四川要地莫重於松潘番蠻悍戾莫甚於三寨狼貪無厭出沒無常數十年來內地苦其荼毒蓋以負山箐之險挾羽翼之衆耳鵬剿之議允屬可行又據提

松潘縣志

卷三 邊防

二十九

督歸化指揮曹希彬報三寨番蠻聞知委官放糧聚衆搶奪等情即令希彬帶領千戶李世傑等奮勇對敵斬番級五顆獲馬匹器械乘勝追之番據險力戰因調大兵深入擒斬四十五人銃箭傷死無算燒燬碉寨平房七十八座糧儲一空各寨哀詞納款羅拜投降奏上有功人員分別賞賚

通志

明王廷瞻處置風村白草投順等番奏議萬曆七年二月四川巡撫王廷瞻據兵備道黃德祥據石泉縣報稱熟番全保領肉兒卦寨番牌餓柘等說各番不曾窩藏丟骨人荒沒舌三寨蠻子今與齊風村嶺等十一寨備馬甲前來投降願做百姓隨帶番牌兒十書餓柘等譯審又據守備宗綬呈稱熱羅背報稱白草野豬窩等

一十七寨說近日村嶺等寨投降討得安生這白草等寨生番商量齊心亦出馬甲器械投降願做百姓望賞白旗任守地方等情本道審得二十八寨男婦八千四百九十四口仍行各官譯審俱願各換姓名每年萬壽聖節長至各番俱叩頭每寨輸蠟一觔以供灌燭之用等情僉事黃德祥議得各番在嘉靖三十二年僭稱僞帝及李保將軍黑殺總兵等號致煩興兵征討今一旦回心向化誠是奇事巡撫王廷瞻巡按虞懷忠看議風村白草等番素恃虎負常逞鴟張盤踞各番之中密邇會城之地部落既衆控禦爲難因松潘三寨鵬剿投降又見威茂諸羌議封納款一旦傾心甚衆願爲編氓者有之矣而變易番姓則前此未聞願貢方物者有

松潘縣志

卷三 邊防

三十

之矣而從習漢儀至今始見此二百餘年蜀川之所僅有者也奏上奉旨黃德祥先行賞賚通判李茂先仍以都司職銜管壩底事專一撫化番夷其風村白草等番收入石泉版籍自此邊境寧謐通志

〔清〕李國英鵬剿龍蒲等寨疏四川巡撫李國英具提塘報鵬剿逆寨大捷事順治十二年九月牌行監軍道官吏仰查龍番自前砍狗盟誓悔罪俛服之後於某月日復於某處某所爲某事不法應剿要見侵犯者何地受害者何人作祟者是何情形糾合黑虎生番誰人眼見有何憑據今應當作何剿除逐一開列詳報以憑裁奪如係風影之言或小人挾仇謊聳希利一面傳諭各番守法安

分一面據實回報嚴行查處毋得再以模稜之語徒煩議論等因到道該道將逆番通賊叛亂實蹟逐一列款呈詳批行松潘副將王明德調集官兵會同監軍道進剿去後隨據監軍道僉事陳翔鳳具由呈報十二月二十日本道會同副將王明德奉令鷓剿六路進兵搗其巢穴焚斬其賊番不計其數剗平八十七碉兇孽既除餘黨奔潰曲山大寺等寨諸番望風投順各給白旗招安許其自新該臣看得龍蒲等三寨逆番偪處威州城外相隔一衣帶水耳自獻逆據蜀惡番投逆受印之後即大肆桀驁恃其碉寨險峻黨羽繁多阻截行商焚燒關堡威城外纍纍千塚掘發無遺人鬼含冤欲食其肉而寢其皮非一日矣且陰與成灌逆賊常相勾連

屢謀爲內應以我提備之嚴不得發該邊道將屢請於臣謂是心腹之患宜先翦也臣行查明確密授方畧出其不意乃馘其兇渠焚其碉寨逆番幾無遺種舉百十年盤踞之窟穴一旦蕩爲灰燼踏爲平陸洩神人久憤之冤除內地肘腋之患餘威所震且使拘山大寺小寺等寨素稱頑梗作祟者莫不畏懼乞降稽顙恐後亦可謂快心之舉矣除漏網惡番檄行道將嚴加緝捕投順各寨給旗安插奪獲僞印關防二顆轉齎肅王同固山查驗烏鎗盔甲等項收營存貯所獲牛羊分給有功員役並優卹陣亡官兵外至將軍僉事程翔鳳秘謀制勝松潘副總兵王明德勇畧超羣文武合同以致克捷並在事有功員役所當一例紀錄者也謹會同督臣

金礪按臣高明瞻合詞具題

通志

佟鳳彩鵬剿處置星上水田會頭等寨疏四川巡撫佟鳳彩爲恭報生番畏威歸誠率土輸賦並陳分管控制之法據威茂道參政陳子達呈報據西路保縣乾通一帶士民焦溥袁明保等訴爲逆番造叛愈熾殺戮殘民難堪等事奉總督部院都御史李國英批據逆番猖狂阻道截殺法無可宥但前准提督咨報水田星上各寨比附阿朋作叛情形業經咨覆只俟招撫阿朋不服即進兵一同誅剿矣奉此該本道隨於十一月二十四日會同松潘副將何德成俱到古城察各寨之險易並逆番爲惡之首從分布進剿其進剿情形斬馘賊級獲其器械節經塘報在案本道見番寨如鱗

松潘縣志

卷三 邊防

三十二

逆番如蝟雖一時官兵剿洗而逃奔者實繁有徒我兵來而獸散我兵去而蜂屯禍根未絕終非長策遂定議招撫即傳喚牛騾二寨番日朋之太路必等給以白旗令往招撫會頭寨仍喚活擒番目郭之太本道親解其縛諭以國法惕以兵威亦給予白旗令往招撫星上水田各敗番並赤雞寨等番目俱赴本道投見本道仰體本院恩威並施責其拒敵官兵之罪仍許其改過自新遂各認納官糧一百一十五石作我熟番又再查會頭星水各寨原無統率各自雄長乃就中查番頭之最桀黠者給以劄符提調諸番催納麥糧而總轄則歸之瓦寺土司與打拉土司分管本年正月初四日本道齊集隨征將領千把領旗等官並各寨歸順番目大張

鼓樂犒賞已畢即頒給鐵刻糧牌內書糧石數目並各官銜寨分一給番寨爲憑一發威州存案而各寨番目俱俛首悅服回寨訖此皆仰荷本院威畧遠振遐邇覃服之所致也仍將本道自買茂州官店一所每歲收店租銀一十五兩捐作各番賞需以示羈縻等因呈報到院據此該臣看得星上水田等寨乃界連威州之生番也當明季時倚險爲勢黠悍異常從來未歸王化及雜谷土官番目阿朋驅逐本官桑吉朋聚衆稱兵而渠等輒敢附比作崇屢犯內地臣隨移商督提二臣行令該道先行招撫各逆番仍怙惡不悛後我兵搗巢破穴始畏威歸誠率土輸賦除進剿斬獲情形所獲器械已經督臣詳細提報在案惟是各番地處深山窮谷之

中皆刀耕火種素稱窮苦若免其輸賦恐番性犬羊叵測不常而向背無可稽考故令認納雜糧一百一十五石雖爲數無幾然不過見歸誠之據而已至於各番種類繁多因將番頭目朋之大量加提調名色威茂道給以印劄約束番寨而總轄則分隸於瓦寺打拉二土司至各番既已歸誠輸賦而歲賞又係撫邊之要道據威茂道陳子達詳議自買官店一所每歲約租銀一十五兩捐作遞年賞需俾新附野番既畏其威復懷其德應如所議

通志

李國英鵬剿阿朋疏四川總督李國英題爲番目謀吞內地提臣督兵剿平恭報大捷事康熙二年正月內據威茂兵備僉政陳子達呈報逆番阿朋結黨逐去土官桑吉朋避之別思蠻地方及接

吉朋至省阿朋仍攻據要隘阻其歸路等因到院隨咨移提督相機剿撫去後隨准提督咨移親統官兵於二月十一日深入賊巢攻破老碉擒阿朋阿姜濟當陣斬之剿撫番寨一百二十有奇桑吉朋仍安置維州等因咨移到部院該臣看得逆番阿朋阿姜濟等擅逐土官協謀不軌糾連生番窺犯內地勢甚猖狂臣咨移撫提轉行道將屢爲招諭恬不知改及臣具疏入告奉有酌發官兵再行撫諭如仍抗拒不服即行剿滅之旨臣准部咨後即奉有會剿巨寇之命隨將撫剿阿朋咨移撫提兩臣轉行道將再加曉諭開導以昭朝廷浩蕩之恩無奈阿朋阿姜濟等冥頑抗背全無悔之心尤且唆黨肆劫流毒滋蔓臣咨移撫臣籌措糧糈將進剿

松潘縣志

卷三 邊防

三十四

機宜密咨提臣於十一月十四日檄令松潘副將何德成統領官兵會同撫提兩標及威茂各將兵相機進發沿邊各寨撫者撫剿者剿而阿朋等猶據險丹這猛老寨阻扼要隘抗衡愈力該臣於正月二十六日親統士馬前往剿撫並用至二月十一日阿朋等擁衆拒敵三路官兵出奇追殺雖奔入老碉尙未大挫兇鋒及二十二三等日攻破頭碉二碉猶有逆番救援盡爲擊破至攻破三碉而阿朋等力窮勢急突圍衝出各將士奮力合擊阿朋阿姜濟當陣斬馘各官兵追殺無遺共計番寨一百三十有奇元兇授首諸番效順其雜谷土官桑吉朋仍歸維州一時聲靈丕播十數萬之番蠻俯首納款千餘里之岩疆奠如磐石是役也皆賴我國家

威德遠震致報大捷而師武臣力其功良有足多者均應照例議敘奉旨依議

通志

韓士奇平定巴豬等寨逆番情形疏康熙二十四年九月四川巡撫韓士奇題爲恭報平定巴豬等寨逆番情形等事該臣看得巴豬等寨逆番阻道刦營抗撫拒敵情形先經臣等一面會疏密題一面抽調漢土官兵相機進剿復念此等生番從古不庭罔知漢法先當示以兵威繼宜諭以招撫使其畏威懷德傾心向化各安住牧以仰體我皇上有好生之仁臣是以繕寫告示傳牌專員松茂道僉事王隲面領親往大定堡一帶責令安巡土司並通事人等執持牌示曉諭列角雙馬等寨安分住牧不許助惡自取株連

松潘縣志

卷三 邊防

三十五

並招撫巴豬逆番悔悟歸順親到軍前受撫免其進剿又經屢檄該道並咨移松潘鎮會同多方招撫不得妄行殺戮致傷生命去後今據該道王隲呈詳並准松潘鎮臣高鼎咨稱差人化諭再三鎮道曲盡招撫而巴豬逆番留我往招人役作質始議數番前來投拜願獻首惡人交還搶去器械送以退兵牛羊該鎮道隨准其受撫給示領賞回寨擒獻首惡而緊鄰之卓沙小歷日白卜等寨見巴豬已降方赴軍前受撫各領告示賞需令歸本寨去訖嗣見巴豬逆番詐稱首惡挖子逃走恃險復叛致已經受撫之卓沙等寨亦變幻而抗撫矣因思巴豬逆番所恃雙馬列角廟山小寨大小歷日卓沙白卜撮箕等寨爲之脅從必先翦其羽翼以示兵威

遂分遣官兵攻取小寨老窠梁列角寨乃逆番敢以鳥鎗箭石恃險拒敵我兵奮勇齊攻斬殺逆番七十餘名燒死逆番數百餘名我兵屯營山頂給發白旗招安而白卜卓沙小歷日撮箕雙馬廟山作力合卜等寨及已破之小寨老窠梁列角三寨始畏兵威投降恐後願納糧差永不侵犯哨道惟巴豬寨逆番詐降復叛怙惡不悛惡貫滿盈自干天討隨分遣撫標遊擊冶秉孝提標遊擊穆廷棻城守副將賀雙耀松潘鎮標遊擊李鎮鼎王世臣瓦寺土司坦朋吉卜等授以方畧統領官軍三股進發而巴豬逆番約有六千餘名各執弓矢鳥鎗亦分三股前來迎敵我兵奮勇攻擊當陣斬殺一千七百餘名生擒梟首及跟追殺死搜出正法逆番共計

一千餘名得獲鳥鎗弓箭長槍甚多燒死番蠻二千三百餘名搜獲偽印一顆偽勅一道紗帽一頂角帶一條當同塘報咨解在案尚有巴豬漏刃餘孽盡奔大歷日寨見我兵追至復奔黃梁走往大定我兵復至大定逆番聚衆拒敵我兵奮勇力戰陣斬七百餘名焚死三百餘名其不能入寨者我兵追至黑水江岸逆番浮水過江者僅止百十餘名餘皆落水溺死我兵欲渡江窮追但隔江乃係黑水生番之界不便深入重地是以回營今歷日黃梁大定俱已投降受撫認納糧差至巴豬首惡挖子業已被火焚死驗明首級無異等因造具有功人員傷亡官兵得獲器械並白下撮箕小歷日卓沙作力合卜小寨子老窠梁列角廟山雙馬大歷日大

定黃梁一十三寨納糧清冊呈賚前來臣查此一役也數百年不歸王化之生番一旦願納糧差爲我編氓數百年不獲清寧之官道自此不煩送哨邊患永消此皆仰賴天威遐震之所致也雖所納之糧爲數無幾然借此以羈縻其野蠻之性知有約束而不敢再行作亂爲害矣至在事有功人員相機調度剿撫並用則松潘鎮臣高鼎松威道臣王隲也其餘有功人員並傷亡官兵及各寨納糧數目等冊除送部查核以聽分別議敘賞恤並將搜獲僞帽僞帶等即在外焚燬止將僞印僞勅送部查收銷燬外所有平定巴豬等逆番情形理合題報臣僅會同川陝總督席爾達四川提督何傳合詞具題伏乞睿鑒飭部議覆施行

通志

松潘縣志

卷三 邊防

三十七

四川將軍賽冲阿奏辦郭羅克番案疏嘉慶十九年八月將軍賽冲阿總督常明提督多隆武查辦中郭羅克鎗斃堪布奏以郭羅克賊番在尼牙木錯住古地方將接壤堪布之蒙古玉樹番兵放鎗搶劫並將百長番兵傷斃飭令遴帶弁兵前往查辦當經多隆武帶兵起行抵松潘所有挑派各營官兵五百名漸次到齊多隆武即帶領由甲凹一帶前進維時松潘鎮總兵福智已先期酌帶本營官兵一百餘名進發其所調三雜谷綽斯甲土兵於九月二十六七八等日經游擊曹興邦湯占先帶領齊抵阿壩地方與官兵會合多隆武當將各土兵傳齊犒賞諭以此時冰雪雖大尙不致迷失路徑正可趕緊查辦若曠日持久積雪封山不能進兵明

歲□□須再來剿辦不如趁此辦結以免徒多一番跋涉該頭人等均能領會踴躍直前多隆武隨會同福智督率各兵冒雪前進直逼中郭羅克夷巢察其稍有抗違即擬痛剿乃多隆武甫抵該處卽有三郭羅克土目索浪丹巴等率領番衆跪迎據稱各賊番俱散處各寨該土目等寨不知有這件事情昨日前頭來的官兵說知我們已遣人到各處查問不料大兵就至實在害怕得很只求不要動手情願打聽明白前去捉拿等語多隆武察看該土目等情詞極爲恭順卽飭今三日內務將贓賊擒獻去後旋據土目等兩次捆獻番子喀蚌等六十六名賠繳馬八匹牛五十六頭到營并據稱此案賊番連格爾次逃來娃子共有一百多人係中

郭羅克番子板登借兀雞二人爲首又七他爾結折論蚌七務他戎布塔等俱係上前搶殺之賊現俱聚集加拉寨上懇請寬限自帶番兵前往捉拿等語多隆武恐該土目所稱或係緩兵之計卽與福智會商派令署參將德印督率土目索浪丹巴參將蘇勒當阿督率土目但借遊擊余步雲督率土目却爾俊於十月十八日黎明齊抵加拉寨該寨高踞山巔地勢陡峻並有數十小寨圍繞在旁其時冰雪滿山不辨坡坎該土目率領番兵攀躋而上該賊番等並不出寨就縛索浪丹巴等既攻撲入寨竝拋入火彈焚其巢穴白辰至午攻破大小夷寨十五座燒死賊番八名推墻壓死十名殺斃割回首級者三十五名生擒板登借等七十七名多隆

武督同委員將活賊逐一嚴訊據板登借供認商同兀雞起意搶劫並上寨抗拒不諱其百長番兵訊係七他爾結與折論蚌所殺至鎗傷番兵七名據供因放鎗人多不能指定何人所傷隨將各首級令其一一辨認有首犯兀雞並上前放鎗之別咱叛娃噶爾丹了蚌等在內復於活賊內認出七他爾結折論蚌二名又放鎗搶劫之七務他論蚌塔蒙勒戎布塔格藏角喀彭錯折旺戎蚌他四名均係情罪重大之犯一併解回審辦又索浪借甲借喀桑他折丹蚌同勒波勒納凹甲喇哈乃獨角借十名又格爾次逃來娃子班漫七咱物借三名共十三名並未放鎗然訊係慣放夾壩之人未便寬宥當即傳集各番環視行刑梟首示衆又格爾次族番

究嗣後務須嚴管番子安分守法倘再聽任番衆仍前滋事斷不寬恕該土目等均各感悚叩謝而去賽冲阿常明查郭羅克賊番僻處蠻荒恃其險遠以剽掠爲生計實爲西寧一路行旅之害嘉慶十三年前提督豐紳大加懲創乃甫逾數載又復有此重案似此始終怙惡愍不畏法之兇番萬難寬宥惟該番等往往不服內地水土如照向例將情重要犯遠道解省審辦不但有稽顯戮且恐或有道斃轉致倖免刑誅況在省行刑番衆不能親見似不如就地正法之足以示儆各該犯供認確鑿似無須另行研鞫即咨會福智俟板登借十二犯解至松潘即在該廳地方傳齊附近番夷隨看將板登借凌遲處死七他爾結等十一犯一併即行處斬

松潘縣志

卷三 邊防

四十

仍將以上各犯傳首郭羅克各寨使番衆知所畏懼所獲贓物飭令松潘同知將牛馬等會營照例連衣物解還青海給領多隆武隨於十一月二十一日回至省城所有漢土官兵均已各歸營寨此次查辦夷務正值風雪嚴寒自黃勝關以外千有餘里地面荒涼絕非人境在事官兵冒險衝寒實與身親矢石無異而三雜谷綽斯甲頭人昂本汪結班馬得日爾吉思布思甲思松等均能如期應調克壯軍威此外文員籌備糧運軍火及設法駕馭開導亦能不辭勞瘁該土目等首先用命於三月之內得以蕙事查辦尙屬迅速謹爲合詞具奏

通志

附錄天下郡國利病書載松潘邊防原文

西夷傳曰西羌之本出自三苗其先爲伯夷甫炎帝之裔帝母育於姜水而以姜爲姓故西羌亦姓姜其國始近南嶽及舜徙之三危今沙關之西南羌地是也瀆於賜支至於河首縣地千里賜支者析支也王政修則臣服德教失則寇亂本無君長夏末及商周之際或從侯伯征伐有功天子爵之以爲藩服羌爰劍者秦厲公時爲秦所執以爲奴隸羌人謂奴爲無弋故號爲無弋爰劍後得亡歸將其種人南出賜支河其後子孫各自爲種或爲駘牛種越嶲羌是也或爲白馬種廣漢羌是也或爲參狼種武都羌是也至爰劍曾孫忍及弟舞獨留湟中忍生子研故羌中號其後爲研種漢景帝時研種留何求守隴西塞於是

徙留何等於狄道安放及武帝西逐諸羌乃渡河湟築令居塞始置護羌校尉從爰劍種五世至研研最豪健以研爲種號十三世至燒當復豪健其孫子更以燒當爲種號滇良者燒當之玄孫時王莽末四夷內侵及莽敗衆羌還據西海光武之世以牛邯爲護羌校尉即此地也及燒當至滇良世居河北大允谷種少人貧而先零卑湍並皆強富數侵犯之滇良父子積怨從大榆中入掩擊先零卑湍大破之掠取賦蓄奪居其地大榆中由是始強滇良死子滇吾立附落轉盛常雄諸羌在晉內附以其地屬汶山郡宋齊亦得之後爲西魏所有焉魏書鄧至傳王像舒至者並白水□也常爲羌豪自稱鄧至王其子舒彭遣使

內附拜龍驤將軍益州刺史甘松縣開國子鄧至王請以封爵授子彭奮高祖許之拜奮健忠將軍甘松縣開國子即爲小藩朝貢相繼關中亂乃絕後魏末平鄧至番始繞有其地後周保定五年於此置龍洞防天和元年改置扶州領龍洞郡隋初廢州郡以其地併入汶山同昌二郡唐武德元年置松州貞觀二年置都督府岨懿嵯濶麟雅叢可遠奉嚴諾蛾彭軌盖直肆位玉璋祐橋臺序等二十五羈縻州永徽之後生羌相繼服叛不常儀鳳二年復加整比督文扶當祐靜翼六州都督羈縻研州劍州探那州忸州河州幹州瓊州犀州拱毗州龕州陪州如州麻州霸州礪州光州至涼州蠶州擘州黎州恩帝州成州統州

松潘縣志

卷三 邊防

四十二

穀州邛州樂容州達違州卑州慈州凡三十州據天定之載簿松州都督府督一百四州其二十五州有額戶口頗多但羈縻逃散餘七十九州皆生羌部落或臣或否無州縣戶口矣天寶初改松州爲交川郡乾元初復爲松州按貞觀之時分十道松文扶當悉拓靜等州屬隴右道永徽之後劃屬劍南道也寰宇記云於松州治嘉城縣即後魏白水羌像舒治所據也其子舒彭遣使朝貢拜龍驤將軍始置甘松縣矣後周之龍洞防及改置扶州皆治於此隋曰嘉誠唐曰嘉誠則爲松州之所治也唐書吐谷渾羌在益州西北去青海二十五里古析支之地漢西羌之別種也魏晉以降西羌微弱周滅宕昌鄧至之後黨項始強

南雜春桑迷桑等羌北通吐谷渾其種每姓別自爲部落一姓之中復分爲一小部落大者萬餘小者數千騎不相統一有細封氏費聽氏往利氏頗超氏野辭氏房當氏米禽氏拓拔氏最爲強族貞觀克平詔遣使開其河曲地爲六十州內附者三十萬口有羌酋拓拔赤詞者甚爲渾主伏元所暱與之結婚屢抗官軍後與其從子思頭並率服與諸首領歸款列其地爲懿嵯麟可等三十二州以松州爲都督府羈縻存撫之拜赤詞爲西戎都督賜姓李氏自是從河首積石以來並爲中國之境後吐蕃強盛拓拔氏漸爲所遏遂請內徙聽移部落於慶州因置靜邊等州以處之故地陷於吐蕃不去者爲其役吐蕃謂之珥藥又有黑黨項在黑水之西

松潘縣志

卷三 邊防

四十三

李靖之繫吐谷渾也渾主伏元奔於黑黨項居以空閒之地及吐谷渾舉國內屬其黑黨項首領號孰善王亦貢方物其雪山黨項姓破丑氏居雪山之下貞觀初亦常朝貢又有白狗春桑白蘭等諸羌自龍朔以後並爲吐蕃所破而服屬焉

四夷攷云宣德二年松潘千戶錢宏聞有交阯之役憚於遠征乃誘蠻族入寇誇張奏報得留不遣蠻自是煽禍攻圍城堡調官軍五千討之至威州黃土舖失利道遂不通三年命總兵都督陳懷等帥西軍四萬由洮州入松潘解圍猶弗克靖八年復調川貴官軍協力從事始克成功正統四年都指揮趙諒誘執蠻酋國師商巴以犯邊聞遣都督李安征之尋誅諒誣妄蠻乃服然猶二三

十四年始設松潘巡撫都御史一員以都御史寇琛及侍郎羅綺相繼臨之咸有成績綺還京提督文臣不復更置但以備兵使者整飭之而已天順五年蠻截我糧道入龍安石泉等處

成化十三年勢益猖獗復敕撫臣張瓚調漢土官兵五萬由東南二路分道剿滅白羊嶺鶯飲溪等二十一寨斬蠻首級四百餘顆於是商巴等二十六族詣軍門獻馬納款各諭以利害遣之十四年正月復攻黃頭復水諸寨前後殺獲男婦七百餘人赭其碉房九百墜崖死者不可勝計亦一大創矣宏治間跳梁如故南路梗阻正德二年副總兵楊宏誘殺綽嶺寺國師雪郎王出自後本寺小宛卜等動稱報仇松城之外不敢晝牧嘉靖十一年敕副總兵

松潘縣志

卷三 邊防

四十四

何卿來節制諸軍相機剿討烏都等十一寨皆次第平而詣軍門送款者曰至矣卿家視松州諸所繕緝百廢俱興藩籬既固兵威亦震百蠻喘息不敢動垂五十年來生齒日繁復萌戎心時出殺人剽掠行旅萬曆八年兵使者楊一桂是以有三寨之役又雪山國師喇嘛等四十八寨勾結爲患邊氓岌岌十四年都御史徐元泰是以有會剿之役及丙申九月秋高毅突由寒盼黃勝草場分道馳入圍漳臘守備張良賢率兵破之斬首六級又攻鎮邊百戶杜世仁死戰斬首四級城得保全世仁死焉又攻制邊臺前後斬首十一級乃遁去良賢追至思答弄又大破之斬首十六級敵乃失利去初敵之入也襲我無備偵者不知其數及遁去巡視營壘

不上五千餘竈未幾番婦巡回言所斬首級中有大落赤之至小王子在焉敵以此必欲報仇故昔之松潘重在番今之松潘重在邊防矣

四夷考云南路自西寧關起以至平定堡河東大姓屬牛毛土官管轄河西小姓屬羊毛土官管轄即志所謂牛腦羊腦也不服冠帶不受約束喜則同部落席地歡飲怒則持刃彼此相擊尊卑之序蕩然矣萬曆初年河東頗肆憑陵十四年征之搗其巢穴斬首二千餘級焚碉房千餘座始傾心向化埋奴誓愿認守地方迄今不敢犯河西恃有長江之險逆我文告其時亦震讐移遁深箐隔岍羅拜乞降許之有國師喇嘛灣仲者潛獻皮幣於土韃乞師伏

松潘縣志

卷三 邊防

四十五

於鐵鑪溝以牽制我乘便邀擊事覺就擒其謀始破而膽落也

書庚申番變事

松潘自清康熙間征服建設營衛寧謐幾二百年逮至咸豐十年番叛踰年陷城官民受禍劇慘釁由松潘中左兩營舊有該管各砦上糧之例每年春季由掌堡首人按照番冊每糧一斗預給官價銀一錢二分秋收上納尖斗收入浮收爲經手所飽番眾苦之初咸豐七八年各砦懇免尖斗不允含怨甚幾欲蠢動九年內地變起松軍遠調遂嘯聚窟頭坡要脅豁免尖斗中營遊擊常啟稟總兵文陞言番性犬羊非用威不可請發重兵彈壓不得所請遽託病回省由是各番抗糧不納遍傳木刻起事十年文陞撤任閩

三月二十六日聯昌接任總兵審知亂機已熾急與同知張中寅會稟總督曾望顏請將前調松軍速檄歸鎮以資防守一面妥爲撫馭未報蓋由洪楊肇亂川兵東征省內又有李藍之寇不暇兼顧踰月木刻愈傳愈寬適小姓溝詭傳活佛降世名黑命來生而能言數月能行周歲即解誦經典逆番往朝問以謀叛事活佛許之於是大舉作亂安順堡喬農官獲傳木刻數人言因斗尖激變欲圍城喬報鎮署斬番以徇不數日松南北皆聞風鼓譟各率番隊佔據要隘四出焚掠牟尼溝石壩子番賊先逼松城屯聚於城外山頂藉便窺伺雪布寺溝內賊番出燒安順關喬農官閤室被害南路賊番攻破九關陷平番城守備袁克明與妻幹氏俱死兵民死

松潘縣志

卷三 邊防

四十六

者無算賊焚六關屯堡下至沙灣北路漳臘南坪亦相繼失守官紳兵民男女死者不計其數東路之賊遍擾三舍小河木瓜墩果子壩黃羊關一帶賊勢披猖四圍聯合僅存松潘一城矣九月聯鎮令中左營派兵二百名往流沙關住紮撫辦官兵至窩溝番眾蜂擁而來鎗礮聲震山谷營兵知眾寡不敵全隊奔回各路番賊遂合隊圍城松中文武飛章告急三十餘稟卒無一兵來援同知張中寅召紳商集議居民每戶派一人守城營兵分守要害設團練局於陝西會館以陳月桂馬明遠李春華馮登瀛馬如陞胡萬年魏崇直諸人董其事四鄉屯堡避難在城年力精壯者復募爲鄉男約三百餘人日給口食用備城防賊眾攻撲兵勇屢戰不利

密頭山一役蔣文戴許鳳沒於陣金蓬山一役兵勇死傷十餘人大壩山一役李大旗等二十餘人被馬隊圍裹全數陣亡十月二十八日賊數百由西岷頂進攻破大西門而入中營守備馬慶外委黃占雄軍功馬如良戰死賊刦倉街入廳署掠鎮邊存儲銀數萬兩毀七層樓居民哭聲震天男女投河死者數百城防兵勇奮力出戰由前後山兩路夾擊賊始潰敗追殺數十人割首十七級鎮廳親蒞團練局獎勵城防愈加嚴密究以孤城抗敵四無援兵勢難久持乃派人繞道東路招募壯丁三百人厚給薪餉來城助守十一月候補通判陸璣維州土目穆蘇索浪奉川督檄委帶兵援松兵至疊溪見賊勢強不敢與戰使人議和賊詐許之官兵前

松潘縣志

卷三 邊防

四十七

進甫至平羌溝被圍逃出僅十餘人餘俱遇害穆聞報奔回維州嗣又委知州李延青副將文陞剿撫兼施駐師茂州數月大路阻絕文報不通十二月松軍被調在敘府瀘州者聞松圍急拔隊回援行抵平番遇賊奮力衝出繞越山巔至望沙關與戰失利平番千總李占魁松中把總張玉春外委韓尙彩張浩及馬步兵丁三十餘人陣亡餘眾入城松得舊軍回防兵氣稍壯賊番自西門被我軍擊退後月餘未敢薄城防兵守禦亦嚴十一年援兵失望困守難待官紳決議用木牌數十上書被圍慘狀投大江中冀沿江人拾得轉呈省憲或發兵馳援殊閱三月之久訖無一兵西上加以城中糧匱委平武縣官徐萬有代購米麥延期未至紳商各出

存糧以給兵勇月餘復罄搜索農家牛羊武營官馬殺之以濟兵食五月兵民食盡皮革及草根樹皮皆被括食兵團餓死大半人民相食迨至六月下旬賊知城中無糧攜稞麵於東南城下掉換民間衣物聲言讓路任居民出走以各號茶包作買路之資城中連日商議未決七月初七辰初悍賊十餘人突上東城打開東門大股一擁而入搬取茶包搜掠財物漢民男婦老幼爭先出城擁擠相蹈藉死者甚多既出賊眾攔途搶劫財貨衣服男女多投水死總兵聯昌轎至東門不得出下轎步行賊執褫其衣會林波喇嘛救去獲免聯之妻伊爾昭覺羅氏妾李氏僕婦使女同出東門遇賊剝衣大呼聯救聯不敢應驅馬馳去妻妾等走東橋下投水

松潘縣志

卷三 邊防

四十八

死松潘同知張中寅城陷日死之家屬及幕友共計男女十餘人同時殉節先是聯鎮欲偕張公出走召之公答使曰今日惟有死耳毋念我祠事詳專記賊四門縱火三晝夜弗熄房屋無一存者官紳兵民男女死者無數暴骨原野江中積尸纍纍水爲不流其逃往東路龍安一帶沿途病死者又千百餘人凡逆番攻陷松潘廳城一漳臘南坪小河平番疊溪營城五大小屯堡一百餘所過擾害損失財產不可勝計受禍之慘死亡之多較內地寇賊加甚焉舊案

書癸亥克復事

同治元年駱秉璋督川內地相繼肅清松潘尙爲逆番所據官紳顛陳三路進兵策駱納之初松城失守聯昌匿居林波寺既恐番

族加害復慮廷議罪己單騎走龍安集舊部暫設行署至是親赴省垣謁駱督請議處駱令以原任駐龍立功贖罪是年九月聯奉令統鎮屬各營制兵同參將吳嘉春率誠字全軍取道江汕平武進取松潘會天氣嚴寒雪封山頂不能進大營屯於小河松中遊擊鄧紹南駐施家堡二年春松兵協同吳軍由扇子洞進剿連戰皆捷大兵繼進三月大營移駐鎮原駱督檄黃鼎黎鴻鈞將兵三千五百人助剿至花椒溝營壘未成賊番突至掩襲二軍初到不悉地利吳兵不出陣亡官兵二百五十餘人賊追至鎮原大營出禦殺賊七十餘人賊退走是夜復襲刼大營各軍夾擊斃賊百餘人黃黎二軍失利後駱督調往陝西松鎮大營進屯三舍賊合隊

松潘縣志

卷三 邊防

四十九

圍攻官兵分道衝擊遂大奔潰松兵追殺二十餘里破寨十餘斃賊無算時茂州知州蹇寅將兵千餘人由渭門關進取長寧賊堅守險要塞半夜渡河而西焚龍池寨賊巢以數百人於河東誘賊出戰大隊取道西河而上搭浮橋東渡奪小關子要隘截賊爲兩斷疊溪附近賊聞風遁蹇軍遂克疊溪北路周軍門達武統武字全軍由青川繞道甘肅文縣進克南坪羊岢番賊震懾不敢與戰周軍約蹇軍爲南北進取計聯鎮徇林波喇嘛之請稱番眾願投誠南北兩路即日停戰軍民堅懇三路痛剿聯不聽五月上旬迫令移營前行六月二日入松城逆番皆退歸原寨聯吳報捷成都籌辦善後受喇嘛屬託僅正法一番婦

卽小姓溝活

謀逆渠魁均

置不究周蹇到松以番逆未受大創深抱不平俱引兵去吳嘉春立功奉調回省由是番眾無忌強橫如故聯恐生意外之變與喇嘛密議每年由茶票項下撥銀二千餘兩充各寨土弁餉需有土守備

土千總土把總土外委名目

暫事羈縻保喇嘛爲二品堪布特准於城內舊松

茂道署址建林波寺由茶票項下每包抽錢二文作喇嘛常年食

俸

喇嘛十年不叛

噫此次番變全城爲墟禍亦烈矣乃聯專事姑息

厥後口內外番案疊出搶劫肆行歷任文武雖因時補救而積重難返一日縱敵數世之患非由此遺之孽而基之禍哉吾願籌邊者懲前毖後慎勿狃於苟安也舊案

附錄追悼咸豐庚申殉難官民松潘知事文道心演說詞

松潘縣志

卷三 邊防

五十

今日是民國庚申七月七日即前次吾松廳主張公忠寅與閤城老幼男婦相率殉難之日亦卽道心與諸君佩欽張公暨當時

殉難諸烈士慨念不置而爲之追悼以盡微忱之日也則是今日是一可悲可喜可爲吾松人民之奮勉之日何則前次庚申之今日吾松城陷官民殉節死亡枕籍河爲斷流不堪回首得毋悲乎今年庚申之今日卻不同前次庚申之今日民安物阜較內地尤靖又逢今日追悼之盛舉豈非大可喜之事乎前人殉難之慘狀堪悲殉難之忠義足效逆番之前禍已去後患之根株未絕思前慮後豈非吾松人民宜早奮勉者耶道心初聆張公當時城存與存城亡與亡之氣概與諸烈士殉難之義勇

不禁廢書一歎今見諸君對於張公暨殉難諸烈士倦念不忘令人起敬益覺張公與諸烈士之正氣凜然猶存是死者殉難之義固堪嘉而生者溯本之義尤堪佩也張公與諸烈士得有今日可以死而無憾道心躬逢其盛亦覺無任榮幸雖然道心於此有不能已於言者請爲諸君進一說焉凡人不患死只患死不得其所古人云雖死猶生生不如死又云死或重於泰山或輕於鴻毛蓋可死者軀壳不可死者精神如張公忠寅者可謂死得其所重於泰山其精神未嘗死也如云已死則今日座上何得有張公其人諸君何得有歡迎張公之舉人民何得有贊佩張公之說更何得有追悼張公之事天下之富貴豪傑死者

者多矣求如張公之雖死猶存者能幾何哉惟是張公當日之忠肝義膽出自天性決非勉強沽名所以先有城存與存城亡與亡之言然後有從容就義之事則其殉難之心不過爲國爲民而已豈望今日之有追悼哉然不望今日之追悼是張公之本分而必有今日之追悼是諸君之天職蓋追獎前人可勵後生追思已往可徵將來所謂前車後鑒安不忘危者也况今國家多故災害遍天下民生凋敝日甚一日惟我松屬人民安居無恙未始非神天眷佑與庚申殉難諸烈士相與阿護使然哉旣蒙神天眷佑與諸烈士阿護之靈則吾松人民應如何勉勵爲善以答神天與諸烈士之厚意而長保安甯也然則吾儕今日

之追悼會是即人民之砥礪會地方之維持會若直以追悼會
目之不但道心不敢贊成張公與諸烈士恐亦未忍承受即諸
君捐資禮懺之本心更未必能自信也今張公與諸烈士之悲
境已過樂土重登其忠義自與岷山并存何待吾人追悼始克
彰顯哉吾輩今日追悼之亦不過畧表感戴之微忱籍作後人
之寶鏡且當時殉難諸人多係吾松人民之祖先戚友揆諸慎
終追遠之理滌恥雪憾之事爲其後裔者又當如何感傷如何
奮發同謀永遠之安甯方不愧子孫天職丈夫本色然欲達此
志非同心奮勉爲善以挽天心力圖振作不可故今日之追悼
會在道心鄙見決認爲吾松人民之砥礪會吾松地方之維持

會決不認爲庚申殉難官民之追悼會不惟道心期許如是想
張公忠寅與諸烈士聞道心之言亦無不贊同也故道心逢此
盛會於感慨之餘不禁有如此希望但願我松潘父老子弟藉
今日之追悼爲砥礪之一助矢志奮發敦孝弟睦宗鄰廣行方
便各安本分見惡趨避見善勇爲將見利興弊除祥氣蒸集災
浸自消長享堯舜之天是則道心所爲馨香禱祝而不負追悼
殉難與安民之本旨也

附錄湯興順上川督駱秉璋恢復松潘四條

一查兵力宜厚集也以

妖言煽亂有同謀者有被惑者其地東至木瓜墩平武屬火溪
溝南至茂州屬渭門關巴猪村西至松州屬達革毛革麥匝大
小黑水等砦北至甘肅文縣屬柴門關白馬夷河等處東西距
五百餘里南北距八百餘里道崎嶇山砦險峻雪嶺數處要

隘兵繁多宜先增擊兵分三路夾擊第一至東臘路會三舍二道南攻
分兵七坐谷先夾擊兵分三路三夾擊第一至東臘路會三舍二道南攻
疊溪大第三由北路文縣卡南寨進攻南坪大道六分兵穴馬至夷
番會合第進由北路文縣卡南寨進攻南坪大道六分兵穴馬至夷
進糧道維山艱擊須窩擇地聰步羅為營壘穴聯絡前坪後會策應但庶無轉
運旂憂布夷滿山素林以貪奪疑其氣不速讓行前進不使顧彼首我尾軍不深能入兼顧須自多
張旂憂布夷滿山素林以貪奪疑其氣不速讓行前進不使顧彼首我尾軍不深能入兼顧須自多
行必傳瓦飭解則再免撫串馭通外颺之互番相各負安固住然牧後將相叛機番剿名撫目定分策別成首功從方遍
能可定期其久必遠勝查矣東一南恩兩威路宜各番用因也逼服處心漢之界道畏惟威宜投賞誠罰未嚴能明制方
變其心難免請日後反由覆條罪猶名未分服也輕今重欲出撫示治曉投諭誠一之面番飭似取宜
該善惡土委司廉頭明目幹將練投之誠員番專寨地查方察情脅形從戶之口番名如目果造真具清改册悔聲
明善惡土委司廉頭明目幹將練投之誠員番專寨地查方察情脅形從戶之口番名如目果造真具清改册悔聲
助減兵食每隨戶時納造糧報若並干可照以章辨其投贖誠罪之限真期僞上事納之運後軍嚴前加以
能開導者其永能遠改輸土納使流知者懲取戒具似保此恩威次並請用自罪無糧後患矣民一册逆不

松潘縣志

卷三 邊防

源宜清松也中查所松屬潘牟鎮尼屬毛各革營拈所佑管熱番霧漳臘方屬遼三濶寨人一有四種話
有源宜清松也中查所松屬潘牟鎮尼屬毛各革營拈所佑管熱番霧漳臘方屬遼三濶寨人一有四種話
係吐番關一松種坪松接中維屬州七屬布徐屯之四土接等處一類番話係小獐大子小
耳別吐番關一松種坪松接中維屬州七屬布徐屯之四土接等處一類番話係小獐大子小
路一種溪溝中松屬左九漳關臘東南坪屬枚上大寨下龍羊安崗和約子後壩山黃界連關甘肅馬
楊之布話等處西一戎類一之種話而係字氏音一不種同漳有臘出家口為僧三道士約七分四落教一
類之布話等處西一戎類一之種話而係字氏音一不種同漳有臘出家口為僧三道士約七分四落教一
不用紅蓄髮為帽花用黃長者髮正成教不蓄髮為帽巫教者為佛口號有有嘛蓄髮
用不用紅蓄髮為帽花用黃長者髮正成教不蓄髮為帽巫教者為佛口號有有嘛蓄髮
喻之喇說和手尙持之轉名輪無有論逆老轉幼順俱甚之信名服皆又地朝方過前西創何者教俗後尊人重因
之喻之喇說和手尙持之轉名輪無有論逆老轉幼順俱甚之信名服皆又地朝方過前西創何者教俗後尊人重因
小之萌大叛耳妖別言寨煽由惑戴番紅心帽今逆欲轉絕佛其萌而芽將僞名佛罪命喇徧嘛行出番於
小之萌大叛耳妖別言寨煽由惑戴番紅心帽今逆欲轉絕佛其萌而芽將僞名佛罪命喇徧嘛行出番於
地拏力獲不者宜獎用勵也徇隱口者外連郭羅如等處之番自甘願無再力叛由外進矣
地拏力獲不者宜獎用勵也徇隱口者外連郭羅如等處之番自甘願無再力叛由外進矣
攻者不出力過者因貪將之一所念大耳欲夫也以縱至成夷功必得善其計欲乃不止番盡人心
攻者不出力過者因貪將之一所念大耳欲夫也以縱至成夷功必得善其計欲乃不止番盡人心
與聚豈能除盡之則其無心稍名不釋如之意則必為滋大事害端此小謀而之紛所擾以不誤休也且則
與聚豈能除盡之則其無心稍名不釋如之意則必為滋大事害端此小謀而之紛所擾以不誤休也且則
鯨一吞聚豈能除盡之則其無心稍名不釋如之意則必為滋大事害端此小謀而之紛所擾以不誤休也且則

夷類相親性同情內各一但反背勢必如火添薪更遺邊徼大患
查郭羅克部與關內各寨路距一千三四百里所過番寨不無
蠢動夫治安易治動難力欲有計安靖之法請先派員往諭如何逆
兵進剿攻克若干處兵難力欲有計安靖之法請先派員往諭如何逆
番逃亡按名擒獲不准照部章認納折徵糧馬庶內兼治屏藩
口清册事平之擒後遵部章認納折徵糧馬庶內兼治屏藩
永固矣

駱督批云據稟四條內不爲此審度仰情形妥籌分飭辦理

書辛亥番變事

宣統三年五月川督裁兵節餉改練巡防松潘鎮標自總兵參遊
都守暨馬戰守兵一律裁撤改爲巡防五營內撥兩營分駐懋功
松潘漳臘南坪平番小河口內外數千里地僅留三營駐防此計
之疏也七月川路變生遠近響應大局動搖同志軍蔓延各屬汶

松潘縣志

卷三 邊防

五十四

川理番間集漢番二三千人進取茂州鄉團不能禦駐州巡防哨
長胡興舉率兵截堵力竭被害餘降茂州官紳飛文告急適松潘
統領趙國仕因懋屯改編事留省未歸書記官李朝柱代行職務
同知蹇念恒與書記官商定發兵援茂進言者謂松夷叵測每乘
鎮兵徵調武備空虛卽聚眾圍城當此內地軍興防兵萬不可動
議未決諜傳同志軍距松益近官吏不察事機仍飭管帶傅廷貴
王振邦各率所部出發路遇同志軍兩相牽制松茂道路遂梗匪
首黃占鰲在歸化溝傳習邪教乘隙謀亂蹇官召紳商會議一面
團結漢番爲固守計一面派團總陳有餘等赴南路演說解散黨
徒并催促各堡寨聯合民團殊番眾一聚不散逆謀遂成時城內

漢民不知防也狡黠者聲言近年釐金警察肉釐等費民力不支聞同志軍之來取銷此項新政爲吾民輕擔負何拒焉眾信其說返戈內向禍遂構成矣旋藉眾要挾呈請撤銷各局并將辦事員紳交出由眾處治地方官以其邀求無理將遞呈之士目尤珠等收禁於是逆番徧傳木刻在茨壩石河橋聚集五六千人乘城內無兵欲大舉撲城蹇官復集眾議募團勇百餘名檄守備馬保國帶領防禦又飛調赴茂松軍回援乃傅廷貴隱匿文報眾無由知變松屬各寺喇嘛出而調停邀請暫撤各局不許時草地幫少壯請借鎮署鎗枝願助戰守亦不許人無利器氣餒而散竊庫藏之械原以備非常乃兵臨城下而不假以禦敵卒致破壞十月十八

日蹇親至石河橋大會漢番推誠開導乃逆焰愈張堅執前請勢必得辦事者而甘心蹇嚴詞斥絕逆眾呼嘯散去十九日黎明諸逆進據山頂蹇與書記官率團紳登城觀賊飭團勇施放開花大礮詎射擊不精弗及傷賊守城團民馬正海反被賊擊斃賊譟圍城城中空虛官民坐困謠言四起一日數驚奸人乘機反間南北街人心渙散互相猜疑官不得已命馬保國以准所邀求往諭諸番令解圍二十二日保國詣賊營被害居民驚惶散走城空無人逃奔金蓬山者男女千餘人賊四面圍殺馮雙喜弟兄挺身抗敵力竭戰亡南路土匪隨賊陷城劫外城南街中街二十四日北路番寨焚掠漳臘率眾逼松劫北街茶號民居鎮署鎗彈搬運罄盡

初逆詐言進城但分黑白白人懸白旗毋恐官署民居皆挂旗門外及後竟不分矣二十五日城廂內外同時縱火經七八日始熄人民死者無數番疑城內有窖藏掘土三尺郊外新塚亦多被掘毀四門城堞伐各山樹木及青雲塔各碑碣四顧荒涼一片焦土矣蹇官初不料出此始終執一至是攜眷屬同統部書記官逃雪布寺松民散之四方天氣嚴寒死亡相繼夫自庚申迄辛亥兩次番變向使措置得宜兵餉兩足人心固結早戒不虞則番夷之流毒未必如此其甚矣 舊案

同知蹇念恒詩是誰甘揖盜五日擲堅城 巡防兩營移駐茂州

餉尙足櫻城固守奸人外搨棍徒內闕空 孱鎮虛持節 鎮軍留省半年

松潘縣志

卷三 邊防

五十六

不驕鄰坐擁兵 飛函調防營回 質官祥不殺傍佛總逃生一死

何足道此身未分明 時已微聞成

得代將歸置酒與諸紳 話別卽次韋蘇州郡齋讌集諸文士

原韻

自我入東里飽餐蔬鯖香避地暑亦迨五月南風涼惜別展佳

會携尊君子堂 設座楊子鈞 同罹叛亂苦 同行有湯寶之 未覩

斯民康功罪會有歸恩怨兩相忘宦蜀近十稔此邦艱苦嘗所

幸二三子義氣千雲章瓜代鷹脫鞢天宇恣翱翔尙思歷燕薊

重泛渤海洋去矣語來者制夷在兵強

邑人蒙春輝松州行中華尙武重備邊下維寧雅上松潘周代

羌髦力助戰始列綏服殊百蠻秦漢專制變古法懷柔乏術開
兵端晉唐宋元及明清歷有兵將爲防閑籌邊設衛連營戍以要
松州爲總鍵高建城池闢都市金礦皮革商務繁官師弛張善
撫馭兵氣銷鑠人民安一自庚申夷始叛凶鋒未挫任藐玩五
十餘年至辛亥依然蹂躪入城縣大寨三寨牟尼犍羣醜氣焰
冲霄漢九關八屯爲間諜茨壩揚戈首發難佯遣番僧說解和
明稱內應暗窺探一日二日無轉機戰壘星羅路先斷虜幟飛
揚列沿河朔風厲寒夷愈悍總戎一去如黃鶴託付非人適遺
患松州司馬才略疏性情剛愎難應變防軍遣赴古繩州戰守
無兵失衛捍諸酋兇惡羽書飛窺伺城空連約戰鎗彈如雨聲

如雷居民惶駭心先亂長官憤憤不如人耳豈無聞目無見佞
鬼助虐噬及臍六街三市焚掠徧羣夷獷悍如虎熊手持長矛
並刀劍欲殺則殺擄則擄子弟悲哭父兄喚死別吞聲生別苦
我亦潛行疾奔竄君不見攜幼扶老離故鄉負囊裹甲無餼糧
衣褐不備忍饑凍老羸匍匐婦走僵雲嵐風洞尤險阻冰雪塞
徑如窖藏一經隕越難援手人固堪憐我亦傷世間最毒蛇蝎
最貪狼不如夷人很肺腸膈脂吸髓猶未遂其欲逐逐難爲償
搔首問彼蒼何辜屢降殃理有盈虛與消長漢族何弱夷何強
吁嗟乎強者自強弱者自弱哀我松民供彼魚肉蠢爾羌夷何
太酷一叛再叛戕我族未聞天兵動地來剿殺夷巢如破竹獻

囚獻馘奏膚功要使故疆重恢復今我流離瑣尾中雪夜奔如
走險鹿諸艱歷試幸歸來作此長歌當一哭

富順吳極垓哀松州松州自古稱雄鎮誰料猺夷頻犯順庚申
肆逆追天誅辛亥乘間復開釁劍戟森森鎗礮鳴駢肩袒裼吼
攻城官民束手各驚走城闕金湯爲虜營於時天地慘無色對
壘無兵誰殺賊重圍潛出行何處內顧有家歸不得輾轉南北
復東西僑託他鄉寄一枝室家老小皆零落虎口餘生憤且悲
逾年恢復始旋里瘡痍滿目愁未起官廬民舍盡成灰黃金土
地生荆杞吁嗟乎寧爲太平犬不作離亂民昔賢言之極痛恨
松人處此誠不辰我來刼後已五載黃沙白草爲酸辛國家無

計施撻伐輕視邊民如芥塵人民無力自保衛番虜覬覦如鷹
隣吁嗟乎後此歲月無窮期番夷蠢蠢當羈縻無使後車蹈前
轍離離禾黍不勝悲

邑人趙羽仙不平鳴庚申九月初辛亥九月末夷叛圍松州城
陷分遲速昔人志何堅糧盡守陴哭被圍三百日賊劈東門入
張丞舉家亡聯鎮幸解脫今人心不齊罔思顧大局賊聚五百
餘漢回齊潰出雖有邊防軍遠調出疆域府鎮同虛設難望支
一木當時天地昏論罪究誰屬印委更癡聾迂談乏要著奸人
尤可誅忍心聯異族貧富競私謀莫由辨清濁外敵猶未臨內
訐禍已伏素與夷識者身家死生託無聊流爲匪乘便肆攘奪

狡虜破堅城和議猶妄說臨危炫黑白愚氓誤籠絡流離寨堡
中男女悲零口廣厦千萬間一炬付回祿深深密窖藏所在咸
被掘新塋被刦棺衣盡露白骨尙爲賊飾詞未忍恣殺戮嗟嗟
盜蹠行不減虎豹惡搔首空問天神靈罔知覺松民誠何辜遭
此賊荼毒痛定乃思痛民死官仍活憤作不平鳴留與後人讀
邑人馬堯安避難口占松州僻遠號邊荒松潘僻在西偏距省七百餘里漢弱
夷驕物反常一自警聞傳木刻番人刻木爲符持以調兵立即響應平安空自祝
穹蒼 初聞省會聯同志那識松城勢更危額束紅巾持白刃
內奸外究助番夷 共道夷人許議和逆索牛酒森然城下列瑯
戈犬羊翻覆殊難信詭計陰謀變詐多 大斧長梯竟犯城逆

松潘縣志

卷三 邊防

五十九

梯城門又以上長城駕城而上

人民驚散各逃生可憐無數流離苦盡是蕭牆自

釀成

往事驚心五十年

五十年前庚申番變

者番浩刦降從天長官固

執無成算誤卻蒼生實可憐

扶攜兒女避金蓬彈雨鎗雲四

面攻

逆圍金蓬山男女被殺無數

化作沙蟲相枕藉難呼將伯到城東 出

城猶望

故城中火焰冲天徹夜紅

二十五乘夜避走廟靈山回望城中火起風聲殺聲哀號

聲天地爲昏

塵市殷闐隳一炬不知道路幾時通 屢問行期未有

期那堪蠻幕久棲遲何時脫險飛揚去一夜羈愁祇自知星月
遙天夜色寒亂山水雪去松潘可憐同病邦人士淚眼還將淚

眼看

回首家山路已窮終朝鼠伏草樓中

日夜潛伏樓中泣只

因醜類仇文弱漏洩春光那肯容

逆指紳學爲黑

黑雲黯黯幾

時開愁逐層波去又來不晴明添人愁思自是欲歸歸不得鷓

鴣爲我喚千回 摧殘如雨打桃花流落江干度歲華任家壩

往來必過渡除夕口占滄海桑田猶故我莫悲離燕竟無家

書王子克復事

辛亥十月成都獨立改設軍政府松潘援茂之巡防馬隊管帶傅廷貴潛行回藉步隊管帶王振邦墜井死時馬隊哨官何炳寬步隊哨官馬受雲王光鈞王潤桑梓念切不忍使松軍解體聞松城陷後難民來茂寄居者多於是集眾會議整隊堅守茂州待大局粗定徐圖進取時胡爾康以安撫員來茂同田兆文收集巡防暫改爲保安軍繼聞省垣政府成立何炳寬陳朝璽等赴省謁都督

松潘縣志

卷三 邊防

六十

尹昌衡痛陳利害准將駐茂巡防改編松茂陸軍委田充督帶給木質關防并抬鎗三十桿薪餉一月田茂逮清廷遜位民國建元逆番出據疊溪小關子壬子正月六關鄉團告急遣哨長王光鈞王潤爲前隊防守鎮江關俟省兵到再進乃行至靖夷堡獲偵探戮之賊怒甚松軍抵關未及休息大股撲營松軍亦憤極勇氣百倍奈兵力單弱戰五晝夜陣亡副兵藍永清等四名團丁二十名受創三十餘人團眾潰力不能支又兼子彈缺乏暫退永鎮逆番乘勝追擊焚掠六關人民夜逃多死於路田督帶急稟政府調獠獞兵協助二月初一日賊糾熱霧番迫茂屬之麻達皮袋羅布等寨省軍松軍分頭迎戰隊官馬受雲率隊趕至前後夾擊賊解圍

去官軍追殺焚麻達等寨茂人恐戰事波及派瓦寺土司來關調
停而逆夷頑梗土司幾被害於是紳商蒙春輝馬光遠陳朝璽何
炳寬楊家澄馬玉琳郭瑞廷等赴省條陳進兵策尹督飭北伐支
隊司令官龔達參謀張孝著林焯青等率五標由茂州進取八標
陸軍標長彭鼎新由平武進取嚴飭各營固守勿令越境二月下
旬龔司令抵茂進至沙灣與參謀張孝著林焯青督帶田兆文營
長何炳寬會議松軍受龔節制願當前敵由河西而上陸軍由河
東大路步□爲營三月十六日東西兩路進攻抵鎮坪賊伏要道
擊斃陸軍十九名傷二十餘名松軍聞警往援斃賊八人傷數十
人賊敗退次日大隊復進賊死拒陸軍攻其左松軍攻其右自辰

至酉斃賊三十餘人傷百餘人松軍傷亡數人陸軍陣亡二名傷
二十名賊退守平夷堡十八十九等日官軍攻平夷堡未下繞道
進復平番營城賊守撒喇墩嘯聚益眾松軍猛攻陸軍繼進鏖戰
一晝夜陣亡陸軍連長一員士兵十八名傷十餘名松軍排長富
長德受傷正兵陣亡六名傷十餘名取逆番首三十餘級生擒二
人梟示逆鋒屢挫乃脅屯堡各寨漢番萬餘人捲土重來勢復熾
官軍糧餉子彈不足退守永鎮適獐猯士官率兵五百名助戰十
標標長舒龍甲亦率所部陸軍運到餉械軍威大振甫三日再克
平番城及鎮江關撒喇墩守賊聞風遁大營進屯歸化陸軍松軍
爭先恐後小有衝突營長何炳寬極力彈壓請於龔司令乃令第

十標陸軍同松軍獐猯兵紮鎮江關以防後路賊自撒喇墩遁後無險可據標兵得以長驅直入焚雪布寺赭附近賊巢三十餘寨五月初二日小姓逆番勾結熱霧賊夜劫鎮江關營各隊嚴拒擊斃賊十三名傷二十六名賊假獐猯兵語言官兵昏夜不辨松軍陣亡正副目馮紹江等七名傷正副兵十七名陣亡獐猯兵五名土官俄包孝亦受傷此次夜戰賊挫敗膽裂願投誠龔司令張參謀張標長田督帶移營歸化堡各處番目懇停戰委田見龍王光培爲夷情交涉員自此南路弭平東路彭標長鼎新以駐小河之哨官任光超吳承恩率松軍爲先導進取貓兒墩陣亡士兵四名斃賊十餘人奪關隘五處賊聞南路官兵抵松城連夜遁去彭軍

松潘縣志

卷三 邊防

六十二

松軍進駐三舍龔司令捷音適至遂函請將善後事宜歸龔專辦以一事權龔乃設司令部於紅花屯開軍事會議集松潘官紳田見龍何炳寬馬光遠蒙春輝馬玉琳湯執中文光耀文爲富馬逢祥胡爾康馬受雲馬聯陞暨茶商各號之在松者籌議善後頒發禁令飭納罪銀罪糧逆番聽命當卽派人密捕亂首曾良典等三十五人梟示惟但不拉等逃逸無踪倖逃顯戮其餘從犯均矜全免死北路土官頭人喇嘛拘留看守謀叛脅從各寨堡按戶每年認納罪糧一斗永遠征收派員紳招回難民辦理賑濟建築等事時松軍亦奉文改編爲西路漢軍前五營內撥懋功二營松潘一鎮僅留三營以張孝著爲漢軍統帶以田兆文爲松潘知事標兵

奉調回省猓兵遣發歸寨各寨焚林樹木抵價歸公是時北路叛寨未加懲創松人以庚申變亂善後草率番眾效尤致有辛亥之變條陳利弊請誅其尤者畧示兵威司令言既許投誠不能失信番眾再加以兵事遂寢旋亦率兵回成都善後事宜委張統帶田知事督同營長田見龍何炳寬并紳商等辦理

是役也閱時六七

肅清從前兵事無此迅速皆司令官與各參謀之知兵

地方克復邊境自改革以來

時局變遷邊地兵單不足以資彈壓松潘漢軍除撥懋功外

松懋

功千二百里道經灌

縣索橋無他路可通地方數千里僅三營駐防使當日改編營制

以漢軍三營分布境內以懋功二營調撥龍安維州茂州等處則南由疊茂達汶川灌縣而商務之交通便東由小河達平武而糧

松潘縣志

卷三 邊防

六十三

道之接濟通且威茂毗連崇灌平武界接江彰一旦內地有事維茂之兵可以直抵崇灌而與成都聯合平武之兵可以直抵江彰而為潼綿應援是松潘有此五營可保川西極邊州縣並可為成都川北屬縣之屏藩豈特鎮撫關內外數千里地已哉後之籌邊者不可不講求地輿斟酌盡善也

舊案

書征熱霧十八寨事

民國二年松南熱霧番投誠復叛不納罪銀罪糧又恨拘留番首復集數百人於陽曆十月二十九日黎明入犯一由城西南隅架梯而上一劈臨江門直入看守所刦去罪番熱霧土目鄧用壬輕等五名經漢軍商團追擊生擒鄧用壬輕得哥他二名擊斃擇旺

甲包他二名均斬首示眾僅尤珠王曲之子羸徵一名脫逃番眾
傷亡數十人餘潰回寨勾結南路各番約同報復統帶張孝著令
平武遊擊司令第一營營長何炳寬率隊返松又召紳商會議呈
請政府剿辦奉批飭第四師兵團援松並發槍彈大軍將到先派
員紳赴關外演說利害散其脅從給與良民白旗爲剿辦時之區
別三年一月三號漢軍抵安順關前敵司令何炳寬由雪布寺進
取直搗賊巢越險奪得交界大山左隊副官彭宏塾率陸漢軍由
鎮江關小姓溝乘夜攻山嶺右隊營長田見龍率陸漢軍及猓兵
由牟尼溝進取三路並發番眾尙扼要道伏林中放槍何營長揮
軍抵禦擊斃十餘人賊敗竄去彭營副官督同陸漢軍攻山頂賊

不支退入深山田營長至後寺率陸軍漢軍猓兵分路進攻直達
頭關與伏賊接仗斃賊數十名餘潰逃獲槍枝刀矛多件進克流
沙關官軍受傷二名此四號至六號事也一月十號何炳寬攻勒
凹寨彭宏塾率隊來會兩路夾擊賊將寨房燒燬敗入深林官軍
抵勒凹寨滅火救得稞麥雜糧數十石移營寨內陣亡陸軍龍占
春漢軍什長洪占成受傷李鏡光等數名次日平明各營分道進
剿攻紅土坡大寨機關槍大礮合力攻擊賊自焚寨入深林負固
官軍拔寨斃番數十漢軍陳澤生陸軍馮周盛顧合林范紹明等
陣亡受傷二十餘人張統帶王營長由雪布寺開往浪蓋寨督戰
十一號何營長吳連長等身先士卒攻克熱霧較場壩斃賊甚多

次日分隊仰攻賊伏林中施放槍礮彈飛如雨陸軍謝騰霄漢軍二營馬如鴻陣亡兵士受傷十餘人槍聲不絕官軍逼賊壘同時機關槍大礮并發鏖戰半日賊始竄去官軍入林搜殺斃悍賊四十餘人受傷百餘名獲器械鑼鍋帳房多件追至白蜡山頂天晚收隊張統帶王營長移營較場壩時下九寨巢窟已破上九寨恃險死拒漢軍陸軍分兩路進攻抵賊巢何營長槍柄被賊擊斷鏖戰一晝夜未宿兵士陣亡五名傷二十餘名次日下九寨之勿乃咩咩二寨及叛番勒凹殺利等寨上九寨之煞代二西作壩等寨先後遣人來營乞降漢陸軍嚴爲準備踰日川西觀察使委知事田兆文邑紳蒙春輝陳朝璽馬光遠及各法團議員等齊集行營

松潘縣志

卷三 邊防

六十五

會議善後辦法乃令獐猓土目見菜牟尼土目折乃頓舟會同叛番自請雪布後寺喇嘛爲牙人開說利害曉以順逆大義熱霧番眾俯伏聽從承認罪銀罪糧邀恩寬限當飭哨官馮善一李再春二月七號捕獲逆首作把尤珠王曲父子解松宣布罪狀明正典刑土目頭人出具切結捆送首惡十名就地正法漏網之賊設法擒獻罪銀罪糧限期照番規自行攤繳擋兵銀一千七百兩係屬舊規未便減免作陸漢軍犒賞之貲事竣由張統帶分晰造報定禁令十二條勒石豎碑熱霧較場壩爲前代用兵劃撥公地約種稞麥數十石荒蕪已久諭令附近番寨自向地方官署具結開墾

三年升科番境肅清善後完結二月二十號拔隊凱旋

前一日傳集各頭目

向岩壁施放開花礮機關槍該番等親見既猛且速退曰今而後知國之威矣 自此次用兵剿辦後口內

外番咸知陸軍漢軍之威開花機關火器之利皆順服無敢違言然番性狡黠勝不相讓敗不相助是在官斯土者隨時控馭以羈縻之厚集兵力以鎮懾之再與提倡實業講求商務設繙譯學堂融化漢番語言文字教化普及風俗自醇而謂不能用夏變夷者吾不信也

舊案

邑人蒙春輝詩無端熱逆寇松邊蹂躪生民實可憐戎馬倥傯勞歲暮蠻鄉齷齪過新年鴟聲喚泠連營月鴉背明分斷竈烟元惡就擒征戰罷諸軍齊唱凱歌旋 金戈鐵馬起松州戰事年年總不休軍士同仇臨虎穴番戎納款界鴻溝一坡紅土寒

松潘縣志

卷三 邊防

六十六

霜讓萬點青山熱霧浮到此儒生思獻策元宵鐙火奪關頭邑人馬堯安詩遙望旌旂出大營果然眾志可成城岩疆路險烽烟緊鼓角聲悲夜月明那信野蠻驕不死何堪民族苦逃生自維歲暮勞征戰催換桃符更一行 殺賊頻臨虎穴中胭脂誰點滿坡紅高懸赤幟威先樹直抵黃龍氣倍雄漫道攻心爲上策但求戰勝奏膚功佇看獻馘歌旋凱盛世仁風一體同從征急遽爲安邊烽火摧殘痛昔年雪窟冰岩關路險金戈鐵馬陣雲連擒渠好試樓蘭劍整隊先操祖逖鞭自此夷氛應淨掃管教銘勒古交川 何期擒獻逆酋來贏得全軍笑口開旗幟標新還戍壘河山依舊洗塵埃針州故郡猶能記蠻幕坵墟

亦可哀妙策安邊同一揆運籌如見衛公來

書征包坐事

清光緒二十二年川甘交界之打拉罩子溝等賊番結連川屬包坐雙寨甲借等寨出巢滋事傷斃兵勇並勾結鐵布阿蝦等寨肆行劫掠大爲邊患經陝甘總督楊昌濬咨請會辦松潘總兵夏毓秀稟請三路進兵相機剿辦四川總督鹿傳霖奏聞奉寄諭飭令妥慎辦理夏毓秀率漢土官兵於四月二十日出黃勝關先遣都司張崇禮鄒啟貴分投曉諭解散脅從大軍繼進副將韓國秀參將黃仕明疊克堅巢復潘州城乘勝破雙寨甲借谷爾壩等寨先後擒斬賊首三十餘名餘寨乞降未及兩月川境肅清明定善後

松潘縣志

卷三 邊防

六十七

章程規復舊日體制包坐鐵布及十二部落畏威懾服不敢有異清四川總督鹿傳霖疏光緒二十二年六月十六日具奏查得川甘交界之打拉罩寺等溝賊番勾結川屬包坐雙寨甲借等寨屢次出巢滋事傷斃兵勇並勾結鐵布阿蝦等寨大爲邊患前經甘督楊昌濬咨請會辦並經松潘鎮總兵夏毓秀稟請酌帶兵勇三路進兵相機剿撫當經具奏在案一面督飭夏毓秀挑選中左漳南四營步隊並新練馬隊添調土目弁兵於四月二十日出關查辦據該鎮稟稱帶隊出關三路進兵分駐相降寺滋罵寨達建寺三處先派熟習夷情都司張從禮譯寫招撫告示多張親往夷巢分投曉諭詳加開導曉以利害解散脅從大軍隨後繼進途遇委

弁任必達姜仕林帶領就撫之上包坐竹當等八寨土目牌頭並黃白兩教十一寺院喇嘛先後來見極爲恭順擒獻上年拒殺塘兵之匪首正巴笑訊明正法隨將已撫各寨歷年刼殺積案逐一辦結惟僞稱王寨之雙寨賊首卜爾多及甲借谷爾壩等寨賊番自以迭次刼殺拒斃官兵罪無可逭不遵開導負固嘯聚千餘人分堵要隘勢甚鴟張當派副將韓國秀率帶壽字後營與松左遊擊黃仕明帶領營兵近逼雙寨十一日即有雙寨賊番數百前來撲犯黃仕明督率楊國棟等督隊迎敵鎗斃紅衣賊番二人該賊仍前鏖戰黃仕明親放抬鎗轟斃十餘人賊始敗退時該總兵聞礮聲不絕知有戰事復飭韓國秀帶隊繞道策應追擊十一日辰

刻韓國秀親帶都司謬汝正等直抵潘州城賊寨察看賊寨碉柵堅密壕牆深固賊番恃眾踞險死力相拒我軍鼓勇而前火毬噴筒一齊施放鎗礮刀矛繼之登時焚寨柵一湧而進賊番四面遶逃當將潘州城攻克計殺賊番十餘人生擒一人我兵僅傷斃勇丁一名午後乘銳進攻甲借寨賊番悉力抵禦我軍鎗礮齊施持至午刻一鼓而登賊勢不支紛紛遶竄後將甲借寨攻克天晚收隊紮營此帶兵出關撫定上下包坐及五月十一二等日擊退賊番迭克賊寨之實在情形也維時僞稱王寨之雙寨賊巢恃其地險人強並有各寨逃出悍匪千餘麇集其間負隅抗拒韓國秀等會商進攻之策該總兵以我軍深入猝難得手復飛調營務處李

承鄴周鳳藻督同都司孫詔徐鉞等帶領馬步隊中營精兵團勇馳往接應並飭都司張輔舜等進攻喇嘛嶺堵隘賊番牽制谷爾壩以孤賊勢十四日卯刻韓國秀黃仕明李承鄴等軍齊集雙寨山梁商議三路進攻分派軍功文致雄馬聯芳等帶領祈命商巴寨盼三寨番兵由雙寨後山梁直下韓國秀李承鄴親督壽字後營弁勇及松營馬步隊團勇攻雙寨之側黃仕明率守備楊國棟千總劉超等帶領馬步攻雙寨之前黃仕明親放抬礮各軍鎗礮齊集傷斃番賊十數名該匪大股出巢躍馬衝突勢甚披猖各軍合力兜剿鏖戰多時鎗斃紅衣番賊多人賊始敗竄我軍跟踪追擊施放噴筒火箭惟時風大火猛立將賊巢焚燬燒斃番賊無算

餘匪力不能支紛紛逃入深山因林深箐密未敢窮追查點我軍陣亡勇丁一名受傷八名先是都司張輔舜於十二日寅刻攻克則俊賊巢乘勝進攻喇嘛嶺賊隘張輔舜與外委王瑞生黎存誠陳俊明王文勛姜懷王文燾孫承基劉子昌等率領漢土兵勇團丁由中路登嶺都司張錫齡外委徐昌齡率領漢土兵團由右路進土弁楊官成楊進才八僮土目之子蠶高等率領番兵由左路進賊眾數百分路抗拒鎗放如雨我軍奮力衝擊撲上山梁相持二日夜至十四日黎明始將喇嘛嶺奪踞傷斃賊番十餘名該匪等退保谷爾壩巢穴我軍跟踪追擊直抵谷爾壩十五日卯刻當將撒利貽索桃核三處賊巢攻破燒斃賊番無算餘賊竄入老林

我軍恐有埋伏未敢窮追收兵駐紮相降寺查點兵勇受傷者十
二人至谷爾壩賊巢尚有六讓蒲哇搬藏三寨未下再當相機剿
撫當十五日攻克潘州城賊寨收兵紮營之時韓國秀卽慮賊番
乘我兵疲前來偷營嚴飭各軍小心戒備是夜二更後匪眾果乘
夜來襲我軍力爲抵禦至十六日黎明匪眾鏖戰不去適黃仕明
季承鄴聞信帶隊馳往應援內外夾擊匪始散退竄踞甲借後山
兩寨我軍乘勝進攻該匪負固死拒午後韓國秀等分督各軍不
避鎗石薄寨而登攻入賊寨匪眾逃散當將後山甲借兩寨攻克
焚燒傷斃賊匪多人斬獲首級二顆我軍受傷六人此又十四五
六等日連克堅巢奪踞要隘之實在情形也該番賊迭經大創之

後其餘脅從各番如己撫之下包坐竹當答賴各寨無不聞風畏
懼始將上年搶刦黑河傷斃勇團之賊首但三笑網獻來營送交
松潘廳監禁審辦其未下之六讓蒲哇搬藏三寨及攻克之撒利
貽索桃核三寨逃出良番來營投誠均經妥爲撫卹此外求撫各
寨十二部落前飭令交出自匪見據回報該匪逃竄山谷懇請緩
期進兵設法擒獻等情前來當經批飭遵照並令堅立營壘加意
嚴防毋以屢勝之後稍涉大意伏查該番積玩有年久爲邊患乃
於大兵出關之後尙敢不聽撫諭負固抗拒今出兵未及一月剿
撫兼施業已迭克堅巢殲醜擒渠番部膽落將土用命松潘鎮夏
毓秀調度有方及前敵出力漢土官兵員弁勇丁一體酌量保獎

以勵軍心而作士氣此後軍情除俟該鎮具稟到日再行奏報並咨部查明外所有剿撫松潘番賊獲勝并辦理情形謹會同成都將軍恭提督何合詞馳奏以聞

舊案

軍機處寄諭鹿傳霖奏剿撫松潘賊番獲勝並辦理情形一摺川甘交界之打拉罩子等溝賊番勾結川屬包坐雙寨甲借等寨屢次出巢滋事大爲邊患本年四月間松潘鎮總兵夏毓秀帶隊出關先將潘州城克復乘勝將甲借雙寨喇嘛嶺等處賊巢一律攻破並將正巴笑訊明正法擊斃賊番無算其未下之六讓等寨逃出良番現請緩期進兵設法擒獻首逆該賊番積年稔惡此次剿撫兼施番部懾服辦理尙爲迅速松潘鎮總兵夏毓秀及前敵出松潘縣志

卷三 邊防

七十一

力漢土官兵員弁勇丁准其酌量保獎毋許冒濫仍著鹿傳霖督飭夏毓秀等加意嚴防總期邊境乂安一勞永逸方爲妥善將此由四百里諭令知之此諭

川甘番案始末記

松潘在岷江上游距成都西北七百餘里全川之屏蔽甘隴之要衝也階文洮岷暨黃河沿岸川甘番地疆界毗連黃勝關內外五十二部落番夷環繞種類複雜野性難馴前清定鼎之初注重邊陲屢煩大兵征服康熙四十二年剿撫投誠分設土千百戶管理寨落界在甘者甘省節制界在川者川省節制道光初有甘肅循化廳屬之拉卜浪寺始以黃教唵經誘聚僧徒於川屬上阿壩官

兵駐防塞竹卡地方創修骨磨寺院煽惑番衆咸豐五六年間附近寨落歸入該寺熬茶惟時內地軍興不暇顧及遂將骨磨寺地方據爲己有陸續侵佔甲多色凹二十四寨光緒七年該寺勢愈強橫越界焚掠佔踞上中下三阿樹一百餘寨逼投勒凹札蓋二十餘戶又十三年窩留川省逃逸匪首棒周勾結賊番刦大幫茶商馬炳南等牛馬茶包銀貨殺斃八命十七年又擁兵三千至上阿壩焚燬擇參巴寺傷斃寺僧七命并將轄慢冷房草場五百餘家概行燒燬該寺歷年霸奪川境番寨先後共計一百二十五寨擅設土官在彼管束寨落各地方建修寺院安置工擦布約束鉗制名爲闡發黃教實則擴張勢力招集流番以爲爪牙關外川番

良善畏之如虎倘不輸誠納款輒稱兵越界憑陵班佑十二部落力不能支紛紛上訴經兩省委員三次會辦不悉番情案懸未結至光緒十八年松潘總鎮夏毓秀親赴省垣面懇總督劉秉璋奏命兩省會委查辦二十年六月劉督委松潘同知武文源參將楊茂林隨帶官紳兵勇四百餘人出關會同甘省委員同知洪翼副將李臨湘統帶馬隊四旂先到上阿壩駐兵三月將上阿壩擇參巴寺暨色凹等寨勒令援照番例賠償九月移營二道黃河調集川甘兩造土目番僧查訊侵佔寨落比時有逃回川境者有住甘境日久不願回川者該土司等自認陸續招安收復懇請飭令拉守撤回假土官管理番寨當由兩省委員將匪首棒周並黑窩卡

周相錯等照例嚴辦以後各歸原省住牧拉寺不得再派假土官管理番民侵佔寨落取具切結兩省委員於十二月各分道回省自是而後川甘交界番部知所警懼十餘年來不聞稱兵奪寨之舉惟土千百戶征收銀糧貢馬給領士餉舊制未能恢復亦係內地多事邊地遼濶番性犬羊不易安撫不易用兵故也

舊案

四川將軍恭壽總督劉秉璋奏辦川甘積案疏光緒十九年八月二十四日奉軍機處字諭楊昌濬奎順等奏會辦川屬番案請飭川省一體嚴緝逃犯一摺逃犯棒周屢次滋事上年六月間諭令雅爾堅等飭拿歸案並著楊昌濬等派員查辦茲據楊昌濬奎順奏棒周並未在拉卜浪寺藏匿實在川屬之西日加安木族內請

松潘縣志

卷三 邊防

七十三

飭川省嚴緝等語此案日久未結該犯棒周無論在川在甘亟應會同拿獲歸案審辦以杜後患著楊昌濬奎順嚴飭派出文武各員就川省所指地方密速查拿並著恭壽劉秉璋一體飭屬嚴緝務將該犯捕獲懲治毋任漏網該將軍等當凜遵迭次諭旨會商妥辦不得互相推諉楊昌濬等摺著抄給恭壽劉秉璋閱看將此各諭令知之臣等伏查首犯棒周率同拉卜浪寺匪衆搶刦馬炳南貨物經臣等於光緒十五年冬奏請飭拿是爲一案十七年八月拉卜浪寺僧香錯黑阿等擁衆至川境上阿壩圍攻色哇等寨逼降妄殺焚燬十二部落五百餘家且攻及中阿壩等處是又爲一案經該部落紛紛稟訴前松潘鎮夏毓秀來省迭次面懇萬不

得已臣等始於十八年二月奏請連棒周一併飭甘肅查辦是併兩案爲一案辦理也嗣准陝甘總督咨開據拉卜浪寺嘉木樣具稟實無棒周下落聞在川屬之西日加安木族內藏匿並稱該寺並未佔踞阿壩各寨至彼此爭鬪焚掠已照番規了結等語臣即檄松潘文武在西日加安木族內嚴密查拿旋據松潘鎮轉據漳臘營參將江國霖查覆川番部落皆以寨名並無族名部中有案可稽惟按部嚴查實無棒周踪跡棒周如匿在川境川民恨之入骨早已得而甘心何須推諉已據該番族各具如果藏匿棒周均甘認罪切結至爭鬪焚掠之案該拉卜浪寺並未派人來川議及等情當又據情咨覆甘省由楊昌濬派員至松潘確查該寺所稱

松潘縣志

卷三 邊防

七十四

已照番規了結之言實無其事楊昌濬所由勒令交出黑窩等四犯押交西寧提訊也查黑窩爲十七年八月該寺越界侵佔焚掠之首犯現據嘉木樣輒請釋放其蔑視奏案已可概見况該寺窩盜業已承認乃聽窩盜之僧妄指盜之所在未免失當然謂棒周現未藏匿在寺尙可藉詞支飾前准甘咨嘉木樣呈稱實未佔踞壩寨現又稱阿壩之案曾專妥人前往該處了結祇未赴松潘文武衙門具呈銷案等語而松潘鎮陳金鰲現據川番十二部落公稟以此案尙未查辦哀懇咨催臣等現又照稟咨催甘省各在案據此以觀該寺專人了結之言又屬虛詞欺誑其爲始終刁抗不辨已明今楊昌濬摺稱該寺唵經熬茶寺院歷年已久並非該僧

本身之事查臣原奏惟第二款上阿壩甲多寨被佔二十四寨乃係咸豐年間之事其餘上阿樹銀達寨等處佔去共七款均屬光緒七年之事且十七年八月該寺香錯黑窩等率兵至上阿壩圍攻色凹等寨焚掠折參巴寺院逼降妄殺並將班佑十二部落之轄漫各寨燒燬五百餘家迄今甫經兩載乃謂非該僧本身之事其誰信之楊昌濬又稱國家設法羈縻准其蓋寺熬茶崇以號名原期藉資約束等語夫既曰羈縻是羈之縻之非解其銜絡縱令咆哮吞噬之謂也今該寺嘉木樣恃有呼圖克圖名號侵佔川番各寨勒令川番赴寺熬茶納款其迭次越界憑陵亦豈爲國家羈縻之本意似此支飾袒庇並不追還侵地撤回喇嘛以杜亂萌將

見該嘉木樣益無忌憚肆意橫行勢必養癰成患而川番被其侵凌者物極必返困戰猶鬪邊釁益開猶其小焉者也總之該寺嘉木樣窩藏棒周串同搶刦其罪一嘉木樣縱令黑窩香錯等率兵越界侵佔焚掠其罪二迨查辦後竟謂棒周爲藏匿川境以掩其串刦之情復以侵地爲己所固有以逞其橫暴之勢罪更無可寬恕矣如楊昌濬所奏聽其窩盜串刦聽其焚房殺人聽其稱兵奪寨概不之禁而惟嘉木樣之言是聽是長亂之道非安邊之策也該寺既隸甘省則川員無權若貿然委員前往不但無濟於事且恐如昔年派員陳周禮之事徒被該寺稱兵凌逼任意勒結無所忌憚臣等前兩次致書甘督請先由甘派員辦理如果該寺應允

退回各寨臣等再派員前往逐層會商妥議以憑奏結蓋不欲川員再受辱而徒勞也去年楊昌濬初次奏覆其詞已多矯誣臣恐跡涉紛爭未敢即行奏駁當已切實咨覆並將此案應辦事宜婉轉函告冀其和衷商辦庶幾案有歸宿乃毫不加察現復飾詞奏瀆語更支離不得不縷晰顛陳應請飭甘督勒令該寺退還各寨撤回管寨之喇嘛照例嚴辦帶兵焚掠之黑窩等以警將來而靖邊疆實所深幸除將咨甘並致甘信函抄稿送軍機處查核並遵奉前諭檄行松潘文武如棒周潛回密速訪拏外所有甘省拉卜浪寺侵佔川番各寨焚房殺人劫物之案並將該寺欺誑刁抗情形及非退還侵地撤回喇嘛案無由結各原由理合具奏報聞

舊案

軍機處寄諭據稱甘省查辦番案拉卜浪寺嘉木樣窩匪棒周串同搶劫縱令黑窩香錯等率兵侵佔焚掠楊昌濬等漫無覺察以致案久未結請飭勒令該寺退還各寨撤回管寨喇嘛並嚴辦帶兵焚掠之黑窩等語此案前經諭令楊昌濬等派員認真查辦並令恭壽等會商妥辦不得互相推諉茲據恭壽等奏各節是拉卜浪等顯有欺誑刁抗情形亟應澈底查究以遏亂萌即著楊昌濬等按照川省所指各節凜遵前諭確實查辦迅速覆奏不得稍涉迴護致干咎戾恭壽等摺著抄給楊昌濬奎順閱看此諭

舊案

邑人湯興順上川督鹿傳霖邊防策竊查松鎮爲益州門戶漳臘爲松潘藩籬考之前代或置司撫綏或厚兵防禦只以番夷頑野

無異犬羊叛服靡常弗通聲教防禦撫綏各因其勢清初置衛所復建廳營層層節制法良意美二百年來漢番相安無事自咸豐庚申逆番謀叛援兵不至松潘失守南北營汛次第被焚同治二年進兵恢復雖經撫治投誠究屬效尤寬縱內番應賦銀糧外番應賦貢馬折征概行裁去另立新章土司失權番夷散漫無所管束始則不過偷盜細故繼而聚衆搶劫凡部落之强者必霸奪部落之弱者積案未結枝節叢生究其由來實因同治初年辦理善後未能大加懲創恢復舊制懾服內外番心始終一通權之說誤之也幸近年內地安靜兼以歷任文武隨時控馭羈縻因勢利導雖橫強霸奪於大局尙無窒礙現在時局日艱內外番民漸滋蠢動正宜急早圖治否則釀成禍患一發難收欲治不能欲罷不了不但川甘邊境終無寧日而大局亦恐爲之牽動今謹具管見條陳邊防各事是否尙冀鴻裁

一變通營制以肅軍旅也查各營額設制兵除歷次裁減外所餘

無幾各營屬塘汛節節皆通口外分布不敷且承平日久士卒不習戰陣技藝不熟軍械不精一旦有事手足無措誠爲邊地隱憂今擬一營延教習二名挑選精壯兵丁四十名勤加訓練習滿三月考較優劣技藝嫻熟者獎之怠惰者懲之輪流調遣統計一營馬步戰兵不過三百人及至三年營中無不精之兵而又隨時教以兵法忠義編成俗語歌詞刊刻成篇分散各隊頭目每日訓誡

使各兵均明大義以親上死長爲念熟技藝以壯其膽勤教化以束其心縱不盡成勁旅亦可稍挽頽風此營制之不能不變通也一撥發鎗礮以壯軍威也查各營舊存土鎗初非不利於用特以世變日亟土匪邊番所藏軍械均屬精美非洋礮不足以勝彼之長擬請每一營發後膛洋鎗四十桿以便輪流操習精熟之後再請添發軍器鋒利益壯兵膽土匪邊番聞風畏服何致有搶奪焚殺之虞此軍械之不能不預備也 一清查奸匪以靖地方也查各營地處極邊古風夙尙近年有外來奸匪勾結游民詐欺取財番亦相率效尤寢釀禍階若不急早懲治絕其萌芽此風愈長愈刁將來土匪賊番聯結負固萬一煽動邊衅誠爲川西大患極難

收拾今擬請飭各營如有此等外來不法匪徒不事生業合夥逞刁尋方搯詐聯絡番匪搶盜爲事者由各營查明確憑實據送地方官盡法懲治庶幾銷患未萌地方寧靜此奸匪之不得不除也 一培修城垣關隘以資防守也查松屬各營城居萬番巢穴之中山勢嶮巖間有包山城址年久坍塌訖未修復遇有禍變發生敵人居高視下勢如破竹溯自咸豐庚申番叛受傷斃命者數千人實由漢民未佔山勢番衆布滿山頭鎗礮齊施故受傷者衆死亡者多山城不固防守難周今不及時修復縱有精兵利器無所憑依地利一失斷難期其必勝至於西路之黃勝關北路之金綫塘兩處爲內外番搶刦要害不將關隘培修派兵巡防不但多刦民

財亦且大傷生命來往商民受害匪淺習爲故常久之釀成巨患雖欲治而不能是關隘急宜修復庶防守有資番匪知其有備必藏身斂跡保無搶奪之虞此營城關隘不可不及時修復也一儲積糧糈以備荒歉也查松屬向有義倉存儲多寡不等近因頻年荒歉開放糧石未經收齊扣銀採買又苦地產無多不敷本處食用糧價倍於往昔應令秋收價平一律完倉永遠封存若遇年荒兵荒輕則平糶重則賑濟軍民永無乏食之虞此倉儲之不能不設法以期蓋藏無盡也

擬變通口外貢賦土餉巡遊暫行章程

康熙四十二年口外各番部投誠授職認納貢馬銀糧部有定章

松潘縣志

卷三 邊防

七十九

至同治二年恢復松城後未能照原案履行殊爲失政竊國家柔遠安邊薄來厚往非必取諸夷類也特以控制失權番夷散漫勢必不知所主朝東夕西今此昔往彼返遷移毫無限制馴至侵奪易客爲主轉弱爲強種種弊端殊難枚舉今擬安邊長策仍須照例設立貢賦使各番知有所主土司得以鉗制並按戶口之多寡約計每戶每年徵收銀一錢不得過取由土司寨長催齊交遊巡官解營上納稟請地方官驗收作爲口外土餉按年據實報銷因其利而利之既無損於番衆實有益於邊防如是土司寨長得其恩遇勢必認真整頓實心從公兼以遊巡官兵每年稽查一次事無鉅細不致壅於上聞何致積案繁多叢生枝節此口外貢賦土餉

之不得不變通也

貢賦暫行章程

一西路除上下包坐川柘雙則谷爾壩阿細巴細等向有應上罪糧外其餘鐵布七寨及十二部落班佑等寨約計二千餘戶每戶徵銀一錢責成土司按年催收如某寨經徵不齊即將某寨土餉罰抵 一南路三郭羅克三阿壩除三阿樹小阿樹鵲個郎惰等一百一寨逃亡未復外餘計戶口四千有餘每戶徵銀一錢責土司按年催收如某寨不齊仍將某寨土餉罰抵

以上西南三十六部除包坐巴細七寨有應上罪糧外計戶口六千有餘貢賦每年約收銀六百餘兩由遊巡官解營上納

松潘縣志

卷三 邊防

八十

土餉暫行章程

一西路上十二部落土千戶一員土百戶十一員上下包坐土千戶五員鐵布土百戶七員共土千戶六員每員年給土餉銀十二兩共銀七十二兩土百戶十八員每員年給土餉銀八兩共銀一百四十四兩又於每寨放充寨長二名每名年給餉銀二兩共四十八名給銀九十六兩總共土餉銀三百一十二兩由西路遊巡官解往散放

一南路下十二部落三郭羅克土千戶一員土百戶二員三阿壩土千戶三員三阿樹土百戶三員小阿樹鵲個郎惰土百戶三員共土千戶四員每員年給餉銀十二兩共銀四十八兩土百戶八

員每員年給餉銀八兩共銀六十四兩又每寨放充寨長二名每名年給銀二兩共二十四名給銀四十八兩總共土餉銀一百六十兩由南路遊巡官解往散放

以上口外西南部落土千戶十二員土百戶二十四員寨長七十二名總共銀四百七十二兩

此項即在徵收銀內支給作正開報省署備查

前項口外貢賦土餉章程沿清初舊制畧爲變通單簡易行是在後之治邊者合口內外而統籌之口內餉章詳土司志

遊巡暫行章程

一西路遊巡護送茶商出黃勝關由噶賴山經班佑等部駐紮格達寺十日移駐七戒寺十日將上十二部落鐵布七寨上下包坐

松潘縣志

卷三 邊防

八十一

戶口人丁清冊取齊並飭土司等出具安靜住牧甘結由上包坐浪架嶺或羊崗繞道回營銷差

一南路遊巡護送茶商出黃勝關由噶凍山或由毛兒革經阿壩中郭羅克駐紮十日轉上阿壩住五日上阿樹住十日將下十二部落三阿壩三郭羅克三阿樹戶口人丁清冊取齊仍飭土司等出具安靜住牧甘結由阿樹繞二道黃河川甘交界經上十二部落回營銷差

以上西南兩路遊巡每一路馬隊二十名官一員書記一名譯司一名護送茶商大幫沿邊遊巡取具冊結彈壓地方爲緊要苦差官弁兵丁專任差使三年期滿擇有勞績者稟請保獎以

示鼓勵

撫辦口外部落善後十條

一各部落土司有專管寨落之責近來各番不受約束者以該土司事權下移番民藐抗無力鉗制此後將土司千百戶等姓名年貌造冊送部承襲除中郭羅克土千戶一員鐵布土百戶七員有印信外其餘土千百戶二十八員每員稟請飭發小圖記一方便於蓋用往來夷稟公件以昭信守如辦事勤能由遊巡官弁查明稟請從優獎勵不稱職者斥革更換

一各寨甲長有稽查戶口之責口外遼濶最易藏奸寨長未能隨時稽查以致窩流外匪貽累地方此後各寨長各發執照一張督

松潘縣志

卷三 邊防

八十二

同牌頭將本寨戶口若干所執何業及有遷去移來一併查明若漢民之保甲每年由遊巡官督令寨長牌頭造冊呈報一次以備查考如寨內辦公實心任事稟請獎賞不勝任者斥革更換

一各寨宜倣內地編聯保甲之例以土司爲保正以寨長爲甲長以牌頭爲牌首即以一寨而論千戶爲一保百戶爲一甲十戶爲一牌每甲公舉甲長一名牌頭十名如每寨六七十戶者亦作爲一甲每牌頭六七名每寨二三十戶者仍作爲一甲牌頭二三名百戶甲長由土司公舉十戶牌頭由甲長公舉均由遊巡官給發執照以便約束本地壞人稽查外來番匪經理各處夫糧聽候官弁傳喚不遵調遣者斥革更換

一番民各安生業須聽土司寨長牌頭管束如有肆意橫行之番准該土司送官懲治倘該土司徇情容隱釀出人命搶劫盜案者惟該土司寨長牌頭是問

一番民爭鬪由牌頭寨長通知土司查係口角細故准牌頭寨長秉公理處如案關重大由該土司具稟遊巡官轉稟查辦不准私行爭奪逞兵劫殺違者拿辦不貸

一寨內不法匪徒土司等未能先事預防致釀巨案該土司登時拿獲者免其失察之咎如匪犯逃逸照例限期緝獲倘有庇縱等情定將該土司革辦設該匪被別寨拿送者將獲匪之土司優加獎賞

松潘縣志

卷三 邊防

八十三

一茶商出口經各寨地面該管土司飭番民公平交易實力保護有藉別人欠項阻攔引茶者責成土司將爲首懲辦番人入關由土司給照關上驗明來歷放行如無路票不准入內以杜窺伺之漸

一文武大小官員并遊巡官弁出口查辦案件道經各寨除照向章應當馱牛差使外並無陋規什物倘有藉端苛派准該土司指稟從嚴查辦

一寺院喇嘛原因化導番民從善去惡間有藉端侵佔寨落土司宜嚴行查禁如果經學淵深人品端正平時維持地方調和種族善行可嘉者准土司稟請咨獎

一口外各部西北界連甘省西南直通瞻藏縱橫數千里山川鍾毓豈無特出之人才土司各在所屬地面隨時調查如有顧全大局任怨任勞保護商民爲人衆所欽信者准土司稟請褒揚一以勵賢能一以資感化

按松志邊防自漢唐迄于明清節錄通志至庚申辛亥兩次番變用兵克復並歷年剿撫口內外番部採錄官署舊案甚詳此外善後章程條件擇其有關法治者悉備錄之雖時局變易今古口殊然鑒往事之得失知將來之利弊後之君子覽遺篇而攷治法自不虞應變無方矣